



大觀堂文集卷四

暨陽余



五古

平原懷古

漢以黨人重此邦奚獨無偉哉照烈帝作相何區區
漁陽鼙鼓動列郡如摧枯壯矣顏夫子于操鼓枹
古人日已遠世態共囁嚅名城委蔓草高塚叢萑蘆
中原方寧晏自命皆丈夫安知國士志所業非榮膺
澄清固有願瞻顧何踟躕懷彼三君子嘆息悲故墟

日暮將痛飲譚笑慰騶奴

獨立大夫石

朝陽洞之上有石兀然高可十丈
題曰獨立大夫意亦封禪時所命

也

秦相多族誅爾胡敢獨立偃仰溪雨中儼若雞羣失
冠幘凝古霞屐舄躡天室似嚴博浪錐挺立而持戟
或虞督亢圖提囊擊燕逆有笏唯指奸無戈猶抗敵
目望金銀宮手贈陳倉壁一炬咸陽灰焚書應未畢

長安古意

東風幾時來已綠湖上柳笑問有情枝曾繫玉驄否

不愁絮飄空愁折離人手

甲寅春日自蠡城返暨道中口占

輕舸出郭門山翠如追襲寒塘畦麥香衣裾染深碧
小徑通墅橋遠籬疎可摘白雲峯椒生巘岈隱怪石
杖屨四五輩偶行或佇立似指舟中人乘茲何所適
到岸不數武谿流忽靜逸籃輿巖壑間萬象清且密
草色有餘閒禽聲互喧寂澗瀨襍松濤叟叟谷中出
小憩蕪亭間蘭葩暗相逼出沒帶深篁樵風漸已失
一谿千百迴每迴澄潭集竹氣黝以青谿流滌且急

雲根忽怒生齒齒峙山骨坐看猶不足奈此車驅疾
行行鳥道紆峻嶺復堪陟俯瞰松筠平仰視雲霞卽
逍遙散步侶暫舒爾喘息亭午下山岬奇峰轉業岌
彌望十里間香雪猶飄積寒條存素華陽柯落殘質
物理良不同悠然懷所暢縱目逮楓谿羣屨類城邑
清流貫其中溶溶萬山液停車孔道周摩肩碍拱揖
稠濁亟去諸遂窮昇夫力一水夾危嵐其梁名曰櫟
激湍如轟雷行人如辟易南眺白茅岡是爲山家春
日暮行轉遠薄怒塞油壁到舍眼倍青披林湖更靚
諸孫遶道迎懽呼候門入著膝誦塾書把袖出棗栗
吾衰聊示勤夜闌未棲息生平好遊覽勝趣祇自挹
每欲賦登高而忘携不律茲行百里間佳境胥歷歷
往來雖已頻應接每靡及或者山水情慰我幽尋癖
援筆記所思聊以當篇什

曉起聞鐘

偶出聞晨鐘云自湖南寺南望不見湖唯見湖中樹
渺渺水石間因風時一度何當明月中汎舟尋湖嶼

憎蚊

并序

蚊之爲物古人稱之爲白鳥東坡謂之花豹江淮
間有之其長股利嘴最號兇悍今夏蠡城之蚊不
下於江淮入秋更雄捷雖單夾之衣其錐直刺無
能禦者予方病足又苦蚊令侍兒舉拂驅之旋去
旋至手不少停目不少瞬而嗜膚吮血者比比矣
因思天地間唯人最貴而糠粃細物發身糞溷之
中翱翔帷簿之際乃敢連類成羣氣求聲應肆其
貪婪之性殫其虐賊之威較諸青蠅旣多痛楚之
害方諸蠶蠹復增櫻亂之擾用是載筆以代麾旄

非云私憎已也

造化有恒理賦物無兼足有翼或無喙善飲或鮮啄
爾質甚纖微胡乃厚其毒利嘴勝鋼鋒雄聲類吹竹
長足擬鸛羣花股稱豹屬脫胎便液中一朝入華屋
飛揚更鑽求千萬相徵逐排闥搜玉肌披帳伺眯目
哀哉醉臥夫沉寔恣其欲奈此獨醒人憇睡恒未熟
盤旋耳目間去來何其速舉手欲擊之倏忽已潛伏
媿予抱膝吟呻吁衛此足憐汝生計微詎忍卽加撲
聊命以羽麾塵尾手自捉蠶茲愍不畏紛攻如肉薄

投刺轉縱橫朋來似傾國予血僅幾何烏能果汝腹
爰是厲墨兵遣檄殄其族彌天設網蛛括地驅宵蝠
晨羅億萬種夜收百千斛猶恨有遺氛敕此帳下督
祝平翁高老年臺雙壽
讀書踰萬卷教子唯一經高公天下士文采振西京
孝友冠東海詎止翹南英少年膺雋譽握管萬類驚
著書儕嶽瀆擲作金石聲壺儀叶麟趾芝草蔚金莖
爰以五車富傳茲六翮成詞湧雒陽楮森於武庫兵
洵矣家學秘弱冠秋鶚橫獻書北闕下遙望南山崢
巨觥浮溟渤雙曜輝長庚彼蒼眷盛德詎靳歲與名
剡谿古都會山水麗以清名賢恒接軫寧及丈人行
聖朝弘錫類佇瞻紫綉明兒曹慚駑蹇猥附空羣征
會當溯珂里豪飲轟長鯨

壽馮母李太君五袞

丁卯仲夏

湖上有雙峯穹然蒼以秀下應滄海潮晨夕無爽候
江山鍾異人孰出女師右內則幼已嫺壺範臻其舊
芳華詎足奇盛德斯希邁

貪吏行

貪吏安可爲覆亡如轉轂慘哉豺虎心罷職罰猶薄
初似鵠能言旣效係升木譬彼波斯胡藏珠抉其腹
又如醉渴徒飲醜易其毒狐媚結上歡浸假恣威福
取索盡錙銖烏攫寧遺肉士民祝其去日往神祠卜
胥吏畏其留亦不辭握粟數載地無皮一日天垂矚
白云宦已成得時駕且擢威聲震里門氣燄吞流俗
忽爾心膽摧白日驚幽獨願君勿悲訝得喪相循復
報者卽所施何爲異此役旣免九族殃又省一路哭
第恐孽未除尚有禍根續

大雪

一時三尺雪五夜六花風
楮灰初白蹲鴟熟自紅
柑傳田舍俗椒頌酒家翁

戊午暮春仝山左丁鈍菴同郡張德操子開姪
遊南園復尋天鏡園故址登笑禾亭醉歸偶
作

吾亦榜小舸薄游南山溥賞奇猶未足遙挹爐峰岑
鼓枻移荒圃藤葢如珠林小亭敞我眸悠然怡素襟
憶昔髫髻時躡屐恒相尋茲園方壯麗嘉卉何森森

每至不忍去別來思更深高閣入雲表小橋睇幽人
複道叢怪石草堂棲灌陰徘徊巖壑際眺望禾黍泔
漁樵烟水外薄暮野色侵翠巘追吾棹逸興寄餘吟
勝事如疇昔廢興愴予心泛觴澆砢磊太白應自斟
吾友岱宗彥豪氣寧可禁聊與會稽雞啼向雲門嶽
鼓吹匪絲竹山水有清音

書屏風

吾有久忘事病中忽憶之欲書不能起待曉恐復遺
呼兒取佩幌結繩懸帳隅比明欲記取結存心已迷

衰憊一如此將復何所期唯有首丘志悠然歸故廬
倘邀造物德春秋只自知爰俾百年事遺忘亦如是

長安春日口號

偶聞伐鼓聲因憶童時樂鬪勝戲羣巧用是賽爆竹
宵興不索餐鮮衣炫徵逐選菓唯嗜鮮馳走矜捷足
尋遊遍原野喧笑穿林薄唯畏父師拘楮穎私高閣
屈指望元宵縱觀有燈燭蹴鞠併竹馬頑嬉寧畏俗
距今只幾時韶華不可復老大轉蠢癡令人悲碌碌

登雲居寺訪達上人

紆道入青霞麓窮寺始見松竹夾長廊湖岫縱俯瞰
架樹出層樓凌巖生宮殿雲中雉堞浮樹末亭臺綯
夜靜海潮聞雞鳴紅日見夕曛見山領雨足聯峯面
大乗悟無生小堂徹幽鍊晚來何處鐘策杖歸深院
多情無事賦江南燕臺更有傷心處

東海有奇士旅居山之巔江城偏富雨杳靄雲如練
秋色有時霽兩峯出素豔日開東壁曉月冷南江湫
勝地宮皆古俯瞰盡三吳前矚錢塘江後枕西子湖
江合富春水湖爲桃柳都越舶朝帆至吳歌夕艦娛

東望滄溟聯隱隱青數點斜焰吐虹霓陰瀑生浦澗
雨餘海門靜日落暮潮險遙挹巖子磯水漲魚梁淺
弄翰蓬萊閣君鄉最寥廓茲地旣登臨家山竟何若
武林多異人雅不儼城郭躡屐時呼猿移舸嘗放鶴
種梅滿衡門植桂抱墟落千秋畸士廬憑弔非敢託
携手出清波靜言訪幽壑

懷二親

遊子念老親十步九回顧中夜得佳夢歡欣越平素
奈何懷五斗馳突天涯暮庶幾承顏永不爲儒冠誤

孟夏寶福和尚邀遊五洩適以病不果往
山師湘沅士向往廬山隈因訪東華蹟力拓荆榛開
石礫使之出靈泉引復洄入谷聽殘鳥芟篁快斷碑
疾書遣行脚呼取羣英歸予亦屬所名發簡生清輝
追憶舊遊歡懽然生遠悲疊石類鷹吻羣研多虎喙
夜靜秋猿聲晨光孤鶴唳潭空瀑影寒峯促雲意媚
草徑花實繁散澗藤蘿晦時有一片月孤掛玉女岫
時有夕陽曛斜映竹西牖夏月風雨多白雲在衣袖
溪生五色魚投綸不相誘冬月積雪峭曉霽層嶂秀

仰瞻爐山巔山家暝未晝春日耕稼遲雞鳴雉亦嗅
嘗自龍姥潭攀崖歷諸溜猿臂藤葛前魚貫石齒後
彩虹絕澗橫石甕轟雷逗坐觀無心禽徐闕隨人獸
遂自劉龍屏憩聽胡僧呪日夕扶藜歸平明入西湫
湫有巨石磴截雲可小休林木方春色山容時似秋
森森石雨霏習習谷聲幽一澗數盤折丹崖阻以脩
是時同遊者凜乎不欲留予亦嘿歸院假宿返林丘
浩嘆十年事幸師一夕收今方烽火後煨燼莫可鳩
當邀謝康樂伐徑恣所求惠我新詩句奚囊當一酌

宿新閘對月
夜靜水語高
隣舫寂無欬
獨觀故山月
新出離嶠海
萬景湛心胸
孤明照塊磊
村雞秋早號
念惕物華改
新雨浥長堤
行人半著泥
徑寒菰米落
雲暮澤天低
唼喋鷗初臥
啞雁早飛渚
深烟樹密浦
漲採蓮稀
羣鷁鏡吹急
單舸鼓棹遲
遙思故園日
菊瘦蟹螯肥

湘江新月

發牖見湖山
垂簾閱圖史
悠遊一葉中
倏忽數千里

焚篆清幽襟
閒吟卷秋水
黃昏藉新月
搖漾滄波裏

南陽湖夕覽

湖水曠長堤
波高堤欲裂
杖藜歸村人
日暮渡頭歇
時有秋雁聲
轉憂蒼林滅
南山樓外村
蕭蕭著丹葉
亟呼牽纜人
維舟看明月

雲中見白鳥

天寒風乍高
白鳥振其翮
予意雪墜秋
或云星見日
入雲呈素輝
映月滋皓質
矯矯扶搖間
矰人徒辟易

癸巳秋日舟過金沙

九龍堂文集 卷四
河村濡雨潤蓼花紅倚門枯枝掛密蘿蒹葭相紛紜
種瓜甫抱蔓刈穆已釀醇籬殘移竹短柳巷黍田深
野菊因時秀漁舸蕩澤雲我友趙岸鳧溫煦如陽春
鄉墅無驚吠追呼不見人覩此農家樂懸知吏不嗔
送同年周推官之平涼

爲吏苦不達家貧復憎貧何如周大李徒手入三秦
漢物猶忘貴邊民豈不馴角聲于嶂雲樹杪百重雲
閣室成三卷經寒製一衾未嘗緣貨敗何事畏官侵
經渭流中別岷峨節自臻蓄成冬氣美矻磊足爲欣

望西山積雪

聯峯兀天柱積雪翳其巔晴原喜青出萬玉輝素顏
佳氣貫城闕近疑楹宇間豈無嵯岬樹鷲岫相巖巖
遙挹雪崖下老衲松樹前願得惠風暢與君相往還

報國寺松

偶然同隣袖散步入祇園松樹數十章一松爲一觀
卑不容成施高或入雲端風雨百變出攸然忘市廛
予家在山谷看松亦萬全對此嶙峋姿不覺撒素歡
坐臥自不去日夕猶不還更嗔五大夫子處岱之巖

過故藩寢園
銅龍移鳳輦翠翟啓梁園日射黃金柱風柔白墜軒
麒麟初臥塚紫鴛舊棲輻碣滿應劉句籀存賈傳言
靈鍾千谷响寶劍六松懸
王孫轍墀銘讓帝年
宮娥依暮草內豎泣圭田浪識東平美誰哀北地賢
秋風凋玉樹夕景蘼芳鈿莫嘆吟銅雀常愁怯玉鳶
灞陵風雨日杜曲暮春天宮主清河絕才人代郡憐
唯有蘇門道青山捲白烟從無一杯土澆此九京前

綠陰篇

有序

學博湘畹氏光之隱君子也秉鐸平丘以古道勗
士峻節澄襟去俗千里自河決封城芹宮久爲澤
國兩廣文先生與余皆寄處村落間而湘翁寓河
濱祠廡下尤爲淒楚幸其風致澹雅落落乎不以
居食爲謀蛩然藜藿間晨炊不繼有偃仰自得之
趣焉所居祠後古槐二章陰翳蔽日夏月涼風颯
然余詣湘翁顧而樂之湘翁謂余曰此地荒陋不
能蔽風雨而佳樹扶疎頗足適意因憩坐雄談共
需月上適韓子景琦以酒餉余兩人遂携樽席樹

下觥籌交錯不知夕陽之既西也策蹇歸自西塘
思良會不偶因作綠陰詩以記之因感小坡結其
偶來佳樹下岸幘邀青陰條風颯爾至舉室如陽春
展卷對餘綠悠然披密林翁能勤灑濯牕牖無纖塵
落落草堂中圖書如故人縱言極千古因以及素心
方愁月未上命酌非殊欣咄哉有韓子携酒自西隣
遂徙席樹下晚涼傾夕襟碌碌赫曦日爲遇何遑述
偶爾值良會浩哉忘艱辛因念此灌木植之者何人
屢詢僮卒輩終不獲其真勿剪勿拜諸厥歲抑已深

嗟此滄桑世孰暗而孰吟季倫之金谷桓侯之漢陰
方其運會極名國皆墟榛何如此古槐疏越而陰森
雖或改柯葉其勢常數尋雕欄不爲富頽廨不爲貧

投劾吟

早歲棲山谷讀書遠流俗經史止百篇頗亦果其腹
年少憎食貧遂求仁人粟二十登公車歷紀相徵逐
昔遭終不伸抑亦報所獲中道遭亂離掩卷吞聲哭
豺虎橫里門安居奚可卜布衣守歲寒霜雪侵喬木
榮枯忽改觀誰念松與竹况復峩冠人憑凌恣魚肉

黨巷相慰勉，勸余前其軸。雖不期榮名，聊以顧親族。
揮淚辭故人，出門圖強鬻。偶已遂幸售，綰綬竿民牧。
不惜六月寒，寧嫌五斗薄。跣步挽鹿車，荼苦難更僕。
奚知平丘長，陸居竝非屋。子子墟落間，形影弔笄獨。
馳走日百里，銷髀蠶其足。賢者憫我癡，鄙者嘲我樸。
日晏始晨烟，麥甕枵可覆。啖菜詎不香，蔬菹誰爲鞠。
更有意外波，償禠未云辱。遙望雲樹深，老親念我篤。
一別四寒暑，肯肯勤手囑。悲我作吏窮，衰老強餽粥。
但願我早歸，力耕心已足。更有諸幼兒，牽袂相咿啞。

因父久未歸，攤書不肯讀。山妻苦饔餐，椎髻面黝墨。
非不勤中饋，無米炊難熟。念茲身世緣，戀棧何碌碌。
慚笑不成聲，攬鏡掩其目。蕭然携敝衾，買舟泝水曲。
掛帆達江淮，水窮急趨陸。登堂拜二人，語繁愁問速。
樽酒挈羣兒，遶膝歡相屬。悲喜實難禁，宵言永秉燭。
從此樂天真，慎無感往復。庶幾丘壑間，嶽崎莫予毒。
併戒諸少年，讀書無干祿。但獲娛二親，卽此是清福。

要亦隨世波同聲事海夷一日謝輦血一日窮甘肥
非徒佛難考已亦難記之我唯師東坡羹釜任所携
脫粟果乃腹此外唯蕨薇遇緣得羞珍酣醪未敢非
佛若厭饕者不準亦不提豈日賺醉飽聊以釋險機
吾觀僞脩人如乘駿而逃營營期積孽矯矯爭禍基
及逢小利害排擠如肉籬寧若任天真得失皆嬉怡
有旨盡所嗜有酒醉如泥先民有言者何肉而周妻
偶飯白溝觀耿戾戰處書感

聞昔靖難時勝負猶未分大風忽揚沙天地乃晝昏

蛟龍與貙虎南北各聚奔自此潰散後王師不能軍
麾鞭遂渡江直抵金川門吁嗟乎天道前後何不倫
昆陽與帝子白溝殄皇孫茫茫長太息書俟高者論
戲作田叟行志盛世也

余生垂髫時父老相告語云汝生也晚不見古人侶
吾里有老人雙鬢白如楮長耘不裹頭一布蔽寒暑
革履歲加繕帽羶高尺許生平所珍愛特犢如兒女
飯後樵山椒醉來漁湖渚常憎衣冠人何事勞如圍
相見唯依依長幼常爾汝距邑一舍許未嘗詣其所

高譚藐貴官，酷畏吏與胥。偶聞追呼聲，鍵戶汗如雨。
屏息俟其去，徐徐呼徒旅。叮嚀子弟行，及早完公糶。
毋致此惡儔，復噪吾村墅。歲晏共羣兒，嬉遊樂春俎。
往還不遠廬，客至唯雞黍。坐臥桑柘陰，倚杖有常處。
社飲或擘喧，頽然無所阻。喃喃只桑麻，扶歸恒秉炬。
此時隆萬間，長吏希痒癩。落花滿訟庭，倉廩多宿黍。
明府耻受錢，農家飽肥瘠。野叟挈童孫，不知誰賜予。
吁嗟光熹後，蒼黔盈禁囿。唯工謀繭絲，誰爲嘆機杼。
歌此田叟行，白石其可煮。

偶成古意

月明菡萏香，倚棹青谿岸。何日秋風來，還君白團扇。

孫男

懋楨 懋桂

全較錄

大觀堂文集卷五

暨陽余縉浣公甫著

七言古

癸巳冬日聞封邑河患民疲書此志懷

大河之水日夜流遺民何事堪徵求
愛民當效元道州守官待罪無所憂
夜靜把酒登高樓河津四望生百愁
平原茂莽皆神州烽烟幾載成墟丘
幸今生聚稍樂遊小吏乘時思噢咻
著書南牕告爾儔東疇力穡待有秋

歌志之

乙未春日行荆隆上與韓子景琦約植蓮因長
余旣治封之明年亟飲韓生小隱園園之西屏有百
川其水灑激清且漣余語韓生可藝蓮韓生笑謂余
言然遂欲於茲構曲軒鑿崖疏圃引澄潭中有洲
渚相毗連其上作亭宐素椽牽以魚舸蕩澤烟陸居
非屋水非船坐看寒鷗竟日眠奚須五柳著庭前
初湧成荷錢新香拂袖廉以織逮夏明葩映孤月莖
堪漉酒酬羣賢與君耻獨爲君子竝薤菰蒲種菡萏

此嗣

寄語窮巷負芻者毋侵茲地爲牧田

夏日循陌期張敬亭不至

草堂蛙語喧於鼓陌上紅亭漲塵土偶來柳下納輕
陰趺坐須君修旁午使君送客去城南督郵傳書來
幕府瞑觀太息自相勞未果朝餐忘茶苦頽然夢作
醉鄉侯澗瀨松風渾太古羝羊藩觸記何年索米長
安荒藥圃猿哀鶴怨故園疎日暮江雲思萊舞櫻筍
厨中舊箸醅芙蕖院外辛夷塢但須高臥竹方床抱
膝東籬誦梁父

夏日齋居聞村原賽舞

紅錦纏頭蹋腰鼓村姬喧笑紛中土自辰迄酉舞不休
休已見墻頭月過午歌吹竟夕鬧神祠餘音織曼撓
明府夢中忽憶士女心比載飢荒熟茶苦今年暑雨
幸及時卒歲稔豐樂終古街頭米豈不論錢築場各
自樊園圃彈琴擊筑謝神庥僮妓已嫺連袂舞齋中
老吏亦悲歡便欲耕田向西塢只須倚杖聽水聲何
事披裘睨褐父

感懷

僕本東海狎鷗人山麋野鹿全天真誤懷五斗期溫
飽一官六載常浮沉邨居茅屋苦風雨几案黃塵高
尺許登臨每欲趁長飈飛逐帆檣向東舉江南春暮
多白雲白雲江上春樹深家山只在雲深處夢隔雲
山常幾岑秋風欲逐東籬志掛冠投劾非輕世檻猿
籠鳥總自由寧若枋鳩展其翅傲裘緼褐長相隨茹
荼吞蘖慎莫悲古時高令問妻子僕今無家將問誰
讀了原和尚新詩併閱畫奉和

莫向此僧罵賊禿此僧作詩頗不俗出山頻來此地

遊爲愛此地如山谷予在衙齋常碌碌目睽飛鴻向
南國有時徒上一層樓欲極雲山千里目我師叩門
發新篇橫掃烟霞滿尺幅詩中有畫畫如詩不學右
丞自水墨餉我共城榴十顆一顆著子三十六更有
大棗如壺瓜分食親朋皆果腹桂糕芬馥類仙庖杏
酪甘香勝醞醪藏之以備不時需且待田家炊黍熟
飽讀新詩復醉看饑來仍借新詩讀讀罷新詩臥碧
牕夢魂似逐真金粟有詩有畫復何求名山只在卷
與軸更乞鵝谿絹百尋圖 太行并王屋

贈傅存古高士

傅子圖烟號存古超然流俗誰比數頻年奔走不期
名到處經營異商賈有時患難徇人危事平不訴前
茶苦家無擔石喜交遊麾擲黃金如糞土布衣常帶
非尋常門庭冠蓋成鄒魯落落生涯方寸心柔亦不
茹剛不吐壬辰之歲予北征京邸逢君時夏五聽君
雄論忘客愁况復浩歌多樂府歸來賣棹共晨昏譚
笑中宵達亭午中道艱危非一端恃君兀兀如秦虎
任城以南幾覆舟君能裸濟何孔武他人辟易逡巡

時義形君色未嘗沮已秋辭家作選人君送遠行及
江滸一樽慷慨說平生劍氣橫空壓吳楚別來復念
故人貧携襆迢迢顧荒圃一官匏落至親疎君獨慙
懃若歌舞往來規誨如一朝勉茹冰蘖忘環堵世風
儂薄幾堪儔望君嶙峋誰作伍論貌不能踰中人問
心真欲登千古吾作此歌非譽君欲以君心勵末弩

射虎行

幽州老將射鵬手千金買駿衝風走格殺南山白額
彪百獸震栗稀藏藪少年都護出金城一夜寒聲變

刁斗單騎追鋒潰敵圍鞭笞勁賊如摧朽腰間大羽
箭百筈一鏃能貫名王肘歸來受賞不封侯此事坎
坷莫須有常挾奚僮獵灞陵搏取虎豹易美酒醉來
搔首作羌歌猶駭熊羆噤雄吼夜還都闕道忽逃巨
物寧蹲兀相守挽強命中飲彼領平旦馳之石爲偶
長翎穿楊已示奇矧茲堅壁如蒲柳偉哉將軍孔武
風淨掃漁陽直小醜渺渺千禩誰嗣踪吾嘆吹簫併
屠狗

余耶溪行

有序

余子耶谿逸士也一行作吏淪落卑官同時作令
者皆絕塵而奔矣臥聽心長歌呼耳熱烟雲竟老
不禁埜渡舟橫之感聊作耶谿行以自嘲亦曰情
同海叟之鷗喜類塞翁之馬云爾
若耶谿畔萬山青施家有女未知名朝朝携伴浣紗
去安識吳宮歌舞情谿邊姊妹兩三行好醜同時未
嫁郎松陰古道相偎坐盡說榮華慎莫忘一日西城
甲楯起美人潛入花洲裏採蓮處處是名姝莫記當
年舊旖旎縹渺錦帆天上遊誰知樵徑有人愁愁成

白髮添鴉鬢空見谿頭風月舟日暮春山啼杜鵑烟
波隔斷春如許故園羅襪日生塵上苑蘭橈香自舉
閒看谿草沒鞦韆痕幽雨纖纖總斷魂簷外桃花隱籬
竹誰人仍訪苧蘿村猶憶柴門惜別時瀕行相勸折
花枝花枝不似人心改歲遶茅堂啓艷姿艷姿傾國
動君心一擲江山詢美人可憐谿女朱顏老猶向谿
頭學採蘋

粵風曲

潤州司馬吳伯其年翁宦遊粵西別七
載矣晤于京口以百粵蠻詩見示作此

志

楊子津頭浪拍天鐵甕城邊酒吸川潤州司馬雕龍
手一去蒼梧已七年紫髯蝟磔驚霜雪榕谿藤峽身
如葉歸舟僅載百蠻書侏儻似剪鸚哥舌金焦幾點
兀中流暇日應登王粲樓斜陽風靜魚龍隱疾棹灘
頭舴艋舟若言最好鬱林石酒券詩筒冠羣籍大吏
嗔無輪庫錢繫留幾作潯溪客閒看北固暮潮生春
江三月杜宇鳴中宵獨按劉娘曲劉娘係粵女之善歌者伯其刻蠻詩
盛稱劉綠珠碧玉淚千行官貧興逸善留賓瓶無儲
曲故云粟橐無緡齋頭一卷陬禺志粵女珊瑚曲自新

魚蠻行

客有從楚來者語吾魚蠻之樂又言其督稅之苦作此記之

洞庭五月波湧天湘君山下無估船月明照徹蒲葦
裏千家耦住聯菰田菰葉田田盈洲渚野人移宅雲
深處四時漁家在簷前瓜菓離離生碧嶼有時沽酒
向村市綠醞紫鱗共烹醜童男少婦各陶然醉鄉民
謁無懷氏睡起羣峯上晚烟浩歌幾曲又堪眠平明
雨霽風清後幾處扁舟共採蓮白云本係楚編戶浮
家湖上忘年歲南風吹往湖北住北風又往湖南曳
雖愁巨浪履播掀幸少官租與私稅卜居陸地豈不

安安得長吏賢且寬聊逐鷺鷗爲伴侶風月磯頭老
釣竿寧知苛吏如鯨鱷吞嚙水鮮作羹臠徵輸鞭朴
及漁人每俟秋冬湖水落村農無計望涯泣廢田不
耕廬不葺耨鋤拋却網罟焚誰敢乘桴戴篲笠吁嗟
斯世苟可欲雖在蛟宮猶逐鹿波臣海若無寧居渭
上巖陵誰免役水皮剝盡陽侯哭矧茲地皮原在陸

壽朱母史太夫人

君家屋角青芙蓉蓬萊咫尺天姥峯丹崖紫壑穿玲
瓏上有白鹿成貞松芝田玉樹輝映重瓊臺水鑑常

朧朧員壺方嶠西母宮蔚爲吏部何清通綵輿上
殿翟弗崇盈床袍笏瑤環麗介犧獻兕常從容丹裳
戛舞雪羽豐五雲縈繚青鳥翀羣祝山公賢母封秀
眉華髮方其瞳黃扉紫纈紛六龍八千爲春古偶逢
遙瞻萼綠乘天風願携麟脯謁堂東支筇放鶴傾金
籠家園此日梅正紅一飲千石香雪濃

華不注

昔人曾封狼居胥今時猶禪醫無閭名山多在西北
徼唯爾兀兀蹲青齊泰岱子孫百千族迢遞迴環互

相簇秋空一點翠芙蓉卓犖千尋唯子獨山靈峯嶺
有如斯胡俾晉師三周之母乃佞臣鼓其舌洋洋大
國悲喪師吁嗟免君君獲徂女子辟兵辭且都命公
取泉身則組逸歸幸有銳司徒吾讀左氏奇其事未
經歷下恒懷思茲瞻山椒何砢礫誰能御風若展翅
一望蜃樓暨海市

水簾洞

岱多乾壑雨後則噴珠濺玉
萬瀑俱垂此行適觀其盛

十丈峯頭玉女蓮銀河瀉落珍珠船驪淵晝沸鮫人
泣明月如珪秋水滴琲琲瑟瑟隋侯來靈蛇噴沫飛

蚌胎高湫萬斛墜香雨石盤落落驚何許冰壺一片
碧溪前亂流灑淅攪龍眠洞庭蒼海兩無際神妃襍
佩蛟蜃秘明璫皓皓雪作葩寒簾獨有古藤華

飛來石

有序

蕩陰傳舍後小軒有拳石玲瓏殊狀高不過三尺
而竅以百計大類吾鄉靈隱之鷲峯前茲鉅公題
咏盈壁而未有名之者辛亥暮春予從鄴下過此
日方停午因得從容嘯咏其間且擬其形似顏之
曰飛來志感也作詩記之爰永今夕

爾丈昔家震澤濱濤吞浪嚙無纖塵有時風撼若鐘
鐸落日獨對漁樵人宣和移置艮嶽麓珍禽奇獸相
逡巡一朝花石恣採伐仇池靈壁咸紛紜爾乃族行
之河朔悠然避地棲蕩陰中通外朗目爲腹靜觀反
覆悲亡金繁芳艷卉胡足侶聊與枯栢爲道隣我來
斂笏望君拜有似殊鄉逢所親徘徊日夕未忍去往
復嘉嘆盟素心生平頗亦鮮癖嗜胡爲愛爾如袖珍
隨途探古蒐幽冥曾見雪浪生雲根流連逸賞入清
夢一飯未嘗忘珠林茲逢大巫彼已絀眼中邢尹將
尺踰千尋

嚙舌行

有序

長安貴人有官制置負赫赫名者家居悅一婢甚
嬖之已而寵忽衰小失意輒痛加箠楚遂給僮爲
婦婢與僮相得甚歡良久主人復念婢欲私之因
許僮資金俾他娶而復收其婦僮慍甚然不敢逆
歸乃泣告其婦婦曰爾第受金毋慮吾終不爾負

也既侍主人主人益嬖之一日婢忽乘狎嚙斷其
舌事聞開府止奪俸一月縣官立誅婢而三寸舌
則不可復續矣余駭其事而悲其惑且嘆豪華輩
往往以漁色故多畜艷姬小拂意卽橫加撻辱或
給優伶或配奚奴未幾而癡腸復作思還合浦之
珠不知飛絮已沾安有樂昌之鏡其宜淫無忌者
妖媚鼓煽遂致中篝貽慚釁生床第而怨毒之深
者則茲事其明鑒矣嗟乎男女之欲貴賤攸同伉
儷之歡昆虫弗釋今旣鍾情侍兒令渠薦枕奈何

愛而忽棄予而復奪俾此輩羞憤怨恨遂甘以身
殉法而堂堂主人方且驕淫肆志以謂此故物耳
必無他虞噫何惑也歌行一章非嘲貴人聊以儆
世云

螭躔鵲印大如斗爲惜櫻桃樊素口明珠十斛買娉
婷一笑千金等做箒掌中歌舞醉中看盡道花枝夜
合歡誰測中宵風雨惡等閒擲碎翠琅玕阿翁盛怒
髯如棘薄命甘爲廝養室晨春暮爨胡足悲釵鈿永
絕衾裯籍人生富貴寧不豪胡爲降意事此曹白分

寒鷄非鳳侶避焰何容畏海濤妾心難向阿誰語已
逐雞棲任所許小家兒女少悲懽猶勝儂情若狂矢
詎識癡腸斷復牽漫思奪却步非烟拋梭擲杵渾難
拒已許漁童買婦錢朝來腹劍慙說仍製歌紈唱
桃葉鏡中重整舞鸞容調笙莫惜鸚歌舌鸚歌舌寧
太愬刺非荆俠非聶平時刻骨負心人莫爲無由空
齒切妾面總未務妾昔久已裂玉肌從此付灰燼皓
齒甘心終一嚙可憐斷却懸河舌不堪手採風流血

浣溪子曰讀此歌并序當令私婢者人人吐舌又
人人捫舌矣尚其引錐刺之毋輕掉毋擣舉也

北固山晚眺

石頭城東烟水空金鼇夜吸海底紅天吳嚙斷白玉
虹渴猊怒攫青芙蓉中流幻出妙高峯浮濤拍浪奚
所從似欲渡江隨六龍

癸丑夏日郡居苦雨

蠡城五月雨何密濕雲壓簷黑如漆街頭到處水圍
門路上行人泥沒膝舟子艤岸如蠟房亭午未炊空
嘆息墻摧未已穢生茵兩月何曾脫簑笠上年秋漲
滄禾苗農家比戶吞聲泣幸有大吏請命勤上邀官

家渙銖粒賣絲糶穀望今年誰道夏靈甚疇昔一片
洪濤浮太清天風未吹海已立麩麥方熟盡生耳陂
塘總決江湖一侵晨插秧水浸階薄暮耘苗船入室
盎中粟罄婦兒啼官裏催糧如火急賣男貼婦安足
悲時有糞黃當見恤

四大奸歌

王莽董卓
曹操王敦

漢賊皆知啖鰓魚倦來支枕藉兵書癡人猶作銅雀
夢開閣寧如王處仲漁陽操搗如此狗何煩金印大
如斗市人爭噉新皇舌燃臍又見燈盞烈唾壺缺盡

意如何祇看荆棘臥銅駝阿瞞阿敦安在哉且聽鷓
鴒啼去來

天柱行壽嚴度支瀨亭

兩峯兀兀天柱巔齊雲白鶴相蟬聯中有異人似偓
佺桐江高躅氏所傳弱冠成書部億千雒陽片楮騰
金錢青藜閣上輝燭蓮梧垣諫草孰比肩齊魯國士
如雲烟明鑒獨重龍門遷方今國計如濟川安得金
粟如流泉京坻不匱積貯全儲相誰似度支賢矧復
床笏同奎躔鳳池烏府相後先皎皎玉樹森芝田高

牙大戟紛且闐奚祇黑頭推王掾花甲初始擬朔弦
青禽白鹿萃綺筵清秀真如松鶴堅鄴侯誰謂非真
僊媿余馬齒糠粃先雄甲小戊迂且遘溯洄名德如
鵬騫駘駘奚能附祖鞭一觴遙晉偕剡箋祝公柱國
如擎天二十四考仁聖前行與五岳稱齊年

甲申流寇陷都城越中諸先生殉節今奉祠有

感作歌記之

軒轅戰北泰華裂蚩尤橫嚙女媧缺麟鳳刀俎九廟
灰虎狼嘯舐衣冠血先生怒震五嶽昏叫號直徹天

帝闔鼎湖龍墜閭闔局賜夷千載浮冰魂剖心碎首
安足計臣氣直與天爲厲生來殺賊死莫悲請舉春
秋明大義身騎箕尾歸去來玉方折兮蘭復摧鶴膾
琴薪誰見恤可憐世事推輿儻區區俎豆百世烈尚
有市兒睨且竊黃金白鏹豕目眈四維斷兮三綱絕
登堂浩嘆涕欲雪長歌未終樂已闕臨筵烏烏誰擊
節嗚呼噫嘻崑崙坼滄溟竭先生之祠乃可撤

庚申夏日口號

每恨作詩少題目題目好時詩不俗今年題目甚猥

多詩辭俚俗將奈何始悟詩情寄山水匡坐枯吟終
不美譬如雲霞出海嶽變態詎堪暗推索唯有縱觀
窮盡時胸次浩浩生佳思吾居鑑湖一曲上日夕尋
遊久未暢矧彼滄溟千萬里安能舒目辨涯涘應買
小舟裹餽糧酒漿肉臠充其傍自搖柔櫓浮大白醉
倒自稱糟丘伯往來江湖名山間杖履不問安期年
飛潛動植總詩草收入奚囊悉妍好從來江河不擇
地寧問題目佳與未好詩安必有題目涉筆超超能
脫俗

隴上行

婺州帥初以淫虐不道爲言者所糾移鎮雲間旋以通寇敗賦隴上行悲其愚也

隴上傭何太息爲見城頭森劍戟相逢携手下大行
我曹均是少年場生平扼腕富貴子肯向遼東歌浪
死健兒馬上逞蹶張同時亡命匿瓦岡數年鼠竊那
得飽又有官軍常見討黃巾昨夜破咸陽天戈耀
日來帝鄉錦衣前驅爭拜舞潢池革面皆迎扈朝爲
釜魚暮兜牟意氣寧唯萬戶侯南軍失守繫降王乘
風飛渡破建康追亡直入婺州路策馬臨江若神助

指揮已得劉琨首從此富貴真已有蒼頭盧兒皆梟
張嗔目裂眦誰敢當搜剔珍奇窮塚墓輦輸督府歡
相賀黃金作屋貯娉婷連房洞闔忘姬名貧時思得
田家婦今日蛾眉滿朱戶翠袖如雲盡可憐明珠百
斛水晶簾有時咆哮類乳虎美人歌罷色如土有時
歡宴逞山遊羣姝環抱將軍頭爲歡爲宴直幾時一
朝白簡 帝閣知 詔移旄節向蜃樓寶劍分明賜
杜郵嗟哉傭夫思不得月明猶想鮫人泣大輪金壁
餉中涓欲作麒麟閣中緣誰知器滿終當覆空糞金

錢莫相救金吾飛騎自天來綠珠碧玉尚歌吹田園
別墅遍湖海倏忽有無唯一慨最憐絕代幾才人至
此何曾得殉身帳前屠殺夷丘壘三木於今見廷尉
中丞執法劾無將震電憑怒鋤羆狼三尺已斷好頭
頸笑此癡兒尚未醒士師豈肯議孥戮不殺將軍寃
鬼哭隴上傭應太息寧知富貴生驕溢酣歌恒舞膏
王鉞豈是萇弘藏碧血

長歌贈楊侍御去國兼寄陸侍御

世情嘆喑白玉斗誰人獨却黃金臺吾友關西楊伯

起剛腸嫉惡無依違弱冠獻書金天闕下几席風雲
生咤叱拊琴長嘯寄漆園傲骨真與鯤鵬化拄笏西
山冠惠文朝陽吐氣彌崑崙壯節乃爲北海友抗辭
若揭華山雲 大行明見灼萬里得君手疏驚且喜
喜此新標獬豸冠輒探驪珠掣虎尾 温綸午夜下
明光千金爭購諫臣章遙傳仰視飛鳶處熊羆胆落
驚秋霜須臾桑田易滄海 鼎湖龍去昆明冷鸞鷲
悲翔仗馬暗誰讀離騷歌獨醒丈夫去國一身輕眼
觀鵬鴉隨軒旌嶽嶽本非諧世具夷然寧復負高名

春明樽酒離亭外都下傾觀逕冠蓋座上誰非兩泣
人我亦作詩贈行邁行邁靡靡柳色黃使君去矣心
孔傷他年必斬吳元濟今日重瞻唐子方古寺幽齋
鬱松檜陰風易墜離人淚前日偕君送鶴田携手躑
躑深惋愧君今真不憚左遷僕馬蕭蕭無可憐我亦
何顏懷棧豆徒以長歌贈兩賢

石至此始奇

快活三之北壁立千仞有大書徑
丈餘題此數字意亦奇人傑士所

爲而姓名
不可考矣

玉丁鑿破巨靈壁千朶芙蓉翠濤滴南宮叫絕白雲

窩大書如椽斗與蜩小者徑丈尚餘尺苔鮮如叢不敢蝕吾來呼酒對君眠虬龍怒舞櫻雲烟安得方平叱羊法地肺天心盡囊括暫借祖龍鞭石翁敲歸白社稱怪供

漢宣帝詔求微時故劍歌

三尺劍如故人少爲布衣時唯爾常相親今日富貴不見汝能無顧影增悲吟尺一詔懸國門獻者賞千金平生重信義肯負歲寒心

孫男懋楷全枝錄

大觀堂文集卷六

暨陽余

縉浣公甫著

五律

述懷

情迂不耐吏向辱老妻憂况復山麋性寧堪籠鳥愁
柳深三徑曉菊綻五湖秋何日心期畢携樽泛綠舟
其二

性與湖山適秋原更樂遊蒼林浮碧渚丹葉滿霜丘
人事雞豚畢天風鴻雁流茱萸初折就携鶴看沙洲

舟泊邗關有感

時有故鼎
元北上者

舟行日向東寒日刺牕紅榜發驚殘夜濤鳴測駕風
隣舫嚴伐鼓水樹碍支篷霧捲晨炊畢鄉心滯夢中
舟發宿遷晏興

秋色滿江河斜陽映素波荻花千岸拂衰草四垂多
風迅鷗羣怯天晴雁字頗長風乘萬里一葉喜相過

雨後吳山訪客

旅士亦棲峯蕭蕭愁殺儂南軒隔帶水東牖峙雙松
越舶千帆渺吳烟萬壑濃况兼新雨後譙角間疎鐘

過寶應湖有滕王風

舫發蘆花下雞鳴草舍中星輝湖渚冷烟靜露華叢
旅客愁聞雨舟人笑對風恒懷籬下菊心語寄征鴻

寶應湖登眺

日啓舟西牖柳陰風早穿晚來山更碧鷗鳧伴孤眠
強起登湖渚鄉心秋樹連榜人渾解事艤艦望雲烟

弔平江伯

祠古湮荒荻惟餘松栢痕元圭沉鐵甕杜宇哭王孫
故國雲山寂殘碑雨露存名棠空落寞衰柳拂朱旛

舟過桃源

秋渚影朦密河流時淺深隨霞沙雁散放溜碧鷗親
古岸跨驢客新洲伐荻人收簾時小望紅葉滿漁津
咏荻花

白鷺千里雪絮滿五湖秋映月藏漁舍追風到客舟
脩柯堵雁鶩蔓葉長雛鷗寄語樵蘇客留枝韻水丘

泛嶧山湖舟人逃津賴養鵜者導之出

泝險入洪澤凌虛遂惘焉東觀風柱日南極水浮天
散漫迷花嶼縈紆間瀦田羣鷗驚散盡一鳥獨驅先

越城對臥龍山看雨

杳靄龍岡樹朦朦雨後看閒堂花木靜荒苑菊籬餐
晚覺秋鐘冷晨聞榜語謹小樓凭望久雲氣濕欄干

九日前渡河宿旅邸

水漲新洲出漁燈向夕輝雁從天際落人自草田歸
獵騎寒隨幕吟蛩暗上幃秋思良不寐鷗夢漸相違

舟過南陽遇洪水因憶往時兵燹室無居人

秋水遶孤墟霜帆泝澤居昔驚林有燕今嘆食無魚
白鳥饑難下蒼松近轉紆晴原風日好午夢自徐徐

舟阻濟寧

鑿岸通河水懸崖列小艖垂楊迎晚綠山柿入秋紅
津浦笳聲襍關河吏壑洪鳴騶應有客前導出城東
邸年

旅雪次殘年家家臘飲填成詩誰餉米謝客豈貪眠
家卒貧耽酒官傭巧索錢間題書策遍御古輒欣然
贈鄉人鈕殷廷惠家音并酒笋二珍便中語金

二如銓部

雲鄉何日至素鯉一書函餉我龍孫美兼之花露甘

石題顏已破薦爽味長耽聞發憑君語年來鬢已鬢

上督師四首

麟閣懸圖美魚函達

帝居羊裘開劍室鳩酒發兵

書西府登樓夜南船冒雪餘歸來巾角折歡暢有樵
漁

其二

藤峽喧春水孤臺鬱
帝居朝天當有日歸國豈
無書銅柱鮫人外金牛蜀道餘鯨鯢雖有戮應笑渭
濱漁

其三

昆明精騎發遙指夜郎居拜表今無淚歸裝只有
書虎頭身易貴鶴髮勇難餘早罷金城戍仙源訪故
漁

其四

夔爍翁何壯奇勳未可居一身兼將相十考歷中書
羌笛梅花落龍旗草木餘葛疆真愛將沽酒聽江漁
贈李韋買妾

昨夜東風惡鶯花著意憐鶴飛瓊樹下人醉玉山前

桃葉津頭月楊枝雨後天莫將兒女意輕泛五湖船

冬夜京邸

樹暝月初曙林深雪路開寒光散墟落幻景出樓臺
耳熱楊枝曲心浮桑落盃西峯今有意向晚白雲來
南牕寄言

君家方捉鼻吾已折腰初力疾顏難壯軟綿氣始鋤
跼行蛇自有脛步鶴看無辛苦長安屐朱門日掃塗
咏象

偶自滇池至來耕帝苑春力雖輸後貌祥未遜麒麟

凝碧終辭舞昆陽豈未馴無貪芻粟美幸戒齒焚身
金沙舟中

細雨河村靜蘋蘩爛熳開園餘蘆橘潤船泛菊花杯
故國烟雲遠長淮鷗雁來蠖肥兼穆熟何處一登臺
夜夢爲僧

素乏變童好空耽季女憂一厨新積水四壁舊生秋
幻有田禽相真堪野鹿遊翻嫌身似蝶頻夜作比丘
送同年周司李之平涼璘城

雨雪秦關路黃雲隴上村使旌雄漢戍紫曜入羗屯

塞草焉支碧傖歌天馬歎家山滄海外清月共芳樽

其二

河曲名城古長風一劍寒洗兵笞頡利積甲名呼韓
秋釀葡萄熟春醞乳酪權角聲峯樹裏何日憶長安
冬日送同年傅司李之德安

其二

片月共長安盃中雪未乾紫雲驅漢口翠幃發荆灘
樹接衡鴻陣霜清棲鶻搏河津懷小吏時復寄書鸞
積雪天初曙春明車馬喧雲開夢澤曉冰潤碧湘爔

聯轡驚先策同舸悵別轅何時逢促膝斗酒滌高軒
癸巳冬仲久滯京邸書此遣悶

永夜天街靜星河樹杪明寒風欺敝屋殘雪戀宮城
旅憎曾無月羈懷慰乍晴未央鐘動後鷓影入簾清

其二

旅况最岑寂况復寒冬時談笑無真侶孤吟失所思
囊金原易盡筇玉漫堪支唯有長安月空明似予知

京邸又雪懷家園梅

永夜紙牕明融融白玉城呵冰毫著水煨日火流聲

客咏維三徑歸心失五更故園梅萼早香雪飯黃精

邸雨

廉纖幽院雨花草作秋妍山嚮穿雲水城連翳木天
扃門禪智出開卷道心傳便欲因茲去登峯啖井蓮

雪中見桔栢

爾性何貞勁凄然風雪中寒柯蓄鳩鵲岫節友虬龍
萬卉因時靡蒼心獨未終盤紆辭雨露磊砢峙恒嵩

旅邸卽事

長安容易晚日暮西山開燈火市橋上鼓鐘城闕隈

小庭新積雪石火舊餘灰葉落寒柯靜雪禽飛去來
秋日舟泊京口傳君圖煙送子始別賦此爲粲
高詒雲天薄江帆沙樹昏聯床話未盡分袂意難論
送僕過千里酌君只五言相期梅信發挹酒滌塵軒
京邸夜坐思故園梅雪

未舒宮柳綠遙憶故園枝雲積千峯夜月開一角時
焚香烹白雪呼酒促新詩應有寒香至情深未是癡

署中夜坐

隙月窺人密沙虫對語清籥聲驚墜露樹影對孤檠

過雁愁聽盡寒雞畏欲鳴閒思北牕下刻燭著書成

自悼

居官憎命達戴笠長河村耕牧皆鄰叟漁樵出里門
抑揄難自解歌笑總胥渾况復秋簷下砧聲日暮煩

自喜

宦情如一葉匏繫總無心鷺飲河忘滿鳩棲樹未深
秋原絡緯靜寒月鷓鴣吟極目雲林外勞勞孰拊琴

自憐

夏五河村漲經秋潦未乾柴車行漉水短筏渡飛湍

雨笠濡終傲荷衣褶漸寬寧憐襜褕子觸暑候峩冠
自慚

不辭五斗祿思致二親歡寧識羈三戶徒然守一官
鄉關明月外家問白雲端寧若力田子壺餐問寢安
十方院小息得故鄉了原上人

引車入蘭若小坐遠公廬落日銜山吻秋空嚮雁書
梵師猶越語樹影亦涼區閒憇忘良久登城已燭除

望蘇門山

列嶂爭舒喙斜陽衆壑開羊腸知路仄鳥道得雲頽

杳靄崗分樹蒼茫瀑隱臺還同中散夢和雨入天台
秋日寓武林仙林禪院有懷

脩竹護涼齋幽花寂歷開河澄秋水積山靜白雲來
寒鳥翮方勁野虫聲漸哀長安紅日近旭影烙蒼苔
河水初漲登高一覽慨然有感

昨夜江波發寒潮帶月鳴山嵐餘晝色塔影烙秋清
漁泊磯邊火荒邨堡外城遙觀風靜處孤艦獨遐征
夏日送蔣寅翁之官新安

橄欖澁其齒應知啖蔗歡非經封父厄寧獲紫陽安

白鶴巢雲靜青山雉堞寬新都多大賈慎勿憎清寒

其二 漢宮餘之宮殿

河柳翳南天明沙發使船蒼黔擁鹵簿冠蓋杳山川
地選丹霞勝峯開紫翠聯陟高誰共語明日憶離筵
春日行荆隆堤上見枯樹有感

落日澄潭影蕭蕭古木寒閒雲浮遠渚佳氣發層巒
髮短名如舊髯枯臆未乾方將拂衣去誰見著新冠

其二

折柳壯行色將軍大樹寒他年旌漢水今日對江干

短屐嘗尋夢長繩莫探丸柔柯猶若此人意更何堪

入闈卽事

時在
共城

風瀉濤生樹山空月護門巖雲依竹檻寒瀑滌溪蓀
靜意秋香發虛音爽籟存自愁眯日久焉識錦天孫

長安秋日作

躍馬長安道秋鯨鱗甲雄釀金售寶劍醜酒看飛鴻
落落春明樹淒淒五柞宮歸來尋圖史門繫舊青驄

夏日小齋卽事

望遠浮圖沒天低濁浪驚孤帆懸岸出村火射牕明

鋤菜根先老耘瓜蔓未成晚來風定好乳鵲自縱橫
張郭山司理招飲臥龍山署

坐臥翠微宮春郊野色同雲光收鑑渚嵐影度江楓
簾捲蒼厓碧軒開夕照紅不辭浮大白沉醉畫圖中
楓林

美爾有清陰秋高葉自吟色緣丹壑老影入碧潭深
漲液能祛蠹飄香欲染林草堂閒臥起相對歲寒心

花街谿口

嗜種雲根癖花朝偶漫行亂流孤嶼密竹色晚溪明

遠瀑潑泉氣輕濤作雨聲洗膚霞欲吐潭影入峰清
村居禽聒

竹屋長松下春禽日暮吟斜陽歸鷺語初曉乳鳩音
雨滑鶯聲辨月明鴉叫沉畫眉尤箇箇携杖每披林
春日西湖口占

共愛谿頭好迎湖築草堂看魚烟水外聽鳥竹林傍
紅寺分春瀑青山入野航支筇披草路新染杜蘅香

其二

遠岫初膏沐明湖忽淡粧水光飛柳岸草色靜梅廊

啼鳩橋邊樹輕鷗郭外庄兩峯雲未去舟唱已錢塘
舟泊吳門李石臺同年招飲

舟航無隙地歌舞似當年湖口尊鱸日山中筍蕨天
飛花佐酒史折柳命瑤筵未肯辭君醉鐘聲莫到船
舟次惠山

小雨山霞靜深春柳色融過橋溪水碧到寺野花紅
泉氣通槐火樵聲入暮風漁村兼酒市雞犬傲雲中
無錫舟中遇毅昭姪下第南歸

爾猶艱一第客意轉蛩然碧草江南路黃昏杜宇天

別情驚歲月愁色帶幽燕歸作上書計無忘解艫船

時所乘魚舫也

其二

三年一轉瞬五月聚糧艱幸脫風塵厄相逢暮雨潺
孤樽已壘耻尺幅未題閑來日長安道能無念老顏

雲陽驛懷撤藩張先生

余幼時童子試受冠軍

才小稀知遇髫年蚤受恩歲寒慚國士老大負師門
鱸去堂何在琴亡帳尚溫西州舊遊地歌此代招魂

金山寺

江天渺無際一石自爲峯放眼滄波外傷心古寺濃
朝霞流雁鶩暝雨戰蛟龍無限興衰事青山午夜鐘

其二

尺幅滄江意浮波作幻峯鯨鯢臥榻下樓閣聚雲濃
獨樹棲鶻鶻寒潭長蟄龍畫圖看未厭憑檻聽疎鐘

清河贈陳子貞

河朔任通俠君家在水潯種花迎異客釀酒醉琴音
感義常鳴劍扶危不問金自然天下士何媿古人心

妃醉酒

卽子貞所餉者

飲盡江淮酒新聞禁釀方紅螺珠欲滴碧莖雪生涼
提甕蒲桃熟開樽荔子香海棠看未足銀蠟照殘粧

其二

天餉芙蓉液仙留肘後方花前紅玉軟月下翠裘涼
濃艷生嫣色幽鮮起素香東風無氣力吹煖壽陽粧
魚頭集戴月舟行次吳豫木韻

野墅通湖嶼漁樵共酒家湖風初罷槳趁月早鳴笳
檣密烏鶩樹波平雁落沙勸君應暢飲且暮種潘花

其二

古岸漁磯外，儉荒野戍家。
河聲喧靜枕，樹色冷孤筓。
吹浪魚鱗影，橫空鶴度沙。
聯舟吟未寐，墨瀋共燈花。

舟次梁王城新雨

黛色妍初沐，遙嵐翠染衣。
平洲蘆艇集，晚市酒烟稀。
短笠哀僮蹇，深蒿陀特肥。
蕪城千頃綠，野渡一禽飛。

臺兒庄夜泊

截峯爲高瀑，轟雷竟夕聽。
水光聯渚火，潭影浴春星。
狎浪魚偏躑，窺床月半停。
孤舟常不寐，坐對曉波寧。

其二

避險疏湖派，平渠激瀨鳴。
崩崖潑亂石，檣影拂孤城。
待曉荒雞咽，征宵唳鶴明。
輕舟兀如此，翻覺呂梁平。

入都志感

事親悲日短，歸國嘆交稀。
聚散因時尚，浮沉與願違。
豈愁風雨集，應保雪霜肥。
拄笏西峯外，朝霞挹翠微。
五月朔夜臥邸中不寐偶念生平乏靜深之力

口占自勗

儂本薄德人，諸緣累此身。
世情寧免俗，拙性幸安貧。
少有江湖志，老唯丘壑親。
慎哉戕物命，終欲葆吾真。

祝查年伯母陳太孺人壽

天姥蟠滄溟坤維峙嶽嵩
荻書開諫草輿綵炤宸
楓氣望瑤觴碧星躔寶婺紅梧垣
仙掌下甘露拜崆峒

其二

鄉國五雲集萱庭玉樹森清風
標介石慈訓作甘霖
赤縣先端笏黃門正盍簪
萸觴浮湛露青鳥日銜珠

繆太翁王太君雙壽

縹緲風霞紫雙逢白鹿仙
傳丹留橘奕携杖穫芝田
拂席花唯杏飛觴燭有蓮
何人吹鐵篴烟雨具區船

其二

聖世推人瑞三朋適所祈
問年松不老養性鶴長肥
宮錦傳細帙 綸音賁翟幃
梅芳偕菊秀花日歲星輝

壽熊太君古稀

華頂來笙鶴朝陽咏鳳梧
仁風應有自馨節果無徒
教子名成遠榮親德不孤
南山千古宅堪畫舞萊圖

其二

渭水秦山曲黃雲紫翠中瑞儀徵內教壺範作臣忠
芝草萱庭蔚瑤階菊井通玉鳩行再錫敢擬放金籠

湖嶼九首

寂寂南軒坐閒抽架上書傷心衡往事捫腹簡剛餘
簾影松移晝花陰藥遶除春塘方罷釣藉草學觀魚

其二

野田鋤未畢帶笠更何之鳥至朝將儘烏啼晚未炊
望烟投竹舍乘月下松陂引酒誰爲壽山間聽子規

其三

亂流驅碧渚晚葉爛朱暉沙雁晨初靜鳴蜩雨後稀
醉偕籬叟出行與暮禽歸秫稻方棲畝霜螿可漸肥

其四

倚杖南溪上漁樵浴四隣看雲常過午聽鳥欲侵晨
索甕傾村釀腥厨膾素鱗夜深涼月近飲我共三人

其五

雪餘春澗濶野渡未成橋拍岸浮魚子輕烟散柳條
小航常近宅羣客共鳴撓暫泊長梯下啼鶯破寂寥

其六

溽暑忽生涼風過藕葉香坐恒看碧雨臥卽對蒼筤
泉氣通花徑樵聲入草堂一編冰雪氣餘夢竹方床
谿魚好角水乘漲入春疇竟日常蹲鷺飛空忽下鶩
嗜深應有癖適意已忘愁幸識田間路方披六月裘

其七

其八

落木漸辭秋梧聲响竹樓斷雲隨雁去寒蝶醉花留
老圃垂黃菊滄波點素鷗夕烟墟里外霜色照林丘

其九

敝廬初霰集皓影出層巒鶴夢迴瑤草琴心寄素翰
小牕驚竹折屋角念梅殘中夜紛餘响扁舟月下看

已酉春日送李韋夏同門歸粵西藩幕

客路梅花盡春城雪未溫弊輿愁涉澗饑馬欲留村
月傍湘波白雲歸嶽樹昏江行應有賦莫弔楚些魂

其二

驅車沙雁外獨秀在琴樽山水成家珍冰霜頌國
恩離亭唯看鳥歸驛少聽猿佇望鴻都名新詩可
共論

錢別侍御蕭長源同年

西風初過雨谿上柳綿飛蕭寺先期集林杪悵望歸
穩舟唯疏草開篋有萊衣佇應逢宣室母云知者希
送人南歸

雪盡潞川明風迴日瀨聲片帆隨泛鶩樽酒聽啼鶯
岸草全生色溪花不記名浮圖遙映處今夜有吹笙

憶山居

五畝棲山墅清林興自幽呼僮蒔竹嶼邀客醉松樓
古木朝飛鼠深蘿午喚鳩藜床書滿處月色上庭榴

禹城新雨

秋暑方愁潦蕪城雨後涼地衝牛路滑騎促館人忙
山柿香含露寒瓜脆入霜夜深難得酒抱膝坐匡床
齊河

策馬東門道虹橋瞰碧流雲間浮衆鷺樹裏下孤舟
嵐色濃侵日谿聲暗入秋詎堪黃葉路虫語復啾啾
歷城登明遠樓

陟高舒遠目萬堞曉烟青泉脈穿衢巷山光入戶庭
荷枯初辨沼黍熟漸開醺日涉能無悔懷茲水面亭

洛口

岸懸漁徑曲風激浦潮生飲馬矜遙汲停車愛耦耕
地偏廚傳簡市近酒租輕歛段歸來晚秋蘆野渡橫
魏竟甫都運送菊

巖城秋易老都市漸生寒賴有茱萸釀兼之橙橘盤
名花愁裏得佳節夢中看明日南山岫知君興未闌

坐水亭

羣鷗應狎盡空翠滴疎櫺紅蓼藏溪屋青山佐酒舲
地涼疑過雨水滿欲浮星沙雁徐徐去凭欄未忍聽

滄州懷古

河朔推名郡先茲渤海封堅城摧巨寇勁旅盪軍鋒
佩犢今無患遺獅尚有踪單車秋淖裏寧不憶黃龔

鵲山一云嵒山

相傳云扁鵲故里

積石雄如砥砭針藉此神隔垣能洞見知夢有長春
翠岫丹經密秋光碧沼新躊躇歸未許彷彿見仙人
袁大中丞招飲千佛岩

秋空山翠薄采菊上高岑雲暗泉生瀑谿香石踞林
漸看齊市渺環顧衆峰陰絲竹寧無奏全茲山水音

其二

上方龍洞外小築傍危岑嵐氣秋凝雨泉聲晚咽林
攀援蘿徑曲欹臥石床陰燈火谿橋上遙聞鸞鳳音
袁撫軍別署觀泉并菊

仗節星文動焚香泉石親坐收寒岫色讌語素人心
酌水知源潔看花識署貧最宜秋月下藉草作芳茵
撫軍袁公提督楊公餞別酌突泉遇雨

雲暗山顏墨泉聲雨後鳴溯洄遊子意霑洽主人情
崗寫由絲竹離愁寄酒觥不堪清夢裏頻作灤谿行

自濟南抵長清遇雨

羣峯蒙雨氣空翠滴征衣沙鳥隨人落秋雲貼樹飛
城荒僧塔迴亭午市樵稀爲愛南山路徐徐戴笠歸
長清館樹

一雙古栢樹偃仰退思堂盡日凌風雨經年飽雪霜
勁看持嶽節翠欲染嵐光不似秦松號徒然受始皇
萬壑氣晴空羣峯淡不矇岵嶷人世隔呼吸 帝天
通影類江湖白光浮溟渤紅連朝陰雨後感此咤

神工

其二

遙觀傲來峯心知卽岱宗去天唯一握隔水近千重
丹嶂雲容淨蒼巖黛色濃雙眸收不盡萬朶翠芙蓉

雙一天門

躡屐上峻嶒三山勢欲凌荒祠叢木客石竇老閒僧
視遠雲情亂聞空瀑語磨初登已及此况復俯嵩恒

玉皇閣避雨

峽路不容趾巋然啓石門坐來雲下榻欲出雨翻盆

竹暗山香密泉飛嶽氣昏蕭蕭憐杖屐聊許餉清罇

五大夫松

鵠立深巖畔巍然不有隣辭榮能庇主植節已輕身
萬禩風霜飽千峯日月新桃源雖有約未忍去亡秦

山行雜志

夾道植山櫻千崖汎溜鳴亂峯宵火曙深谷石經橫
谿女矜鶯項輿徒樂蟹行振衣三萬仞跨下白雲平

對秀峯

有松皆母石無岫不朝雲深樹鳥銜翠香浮鹿種芸

寒濤空際出幽籟上方聞獨秀猶懷偶亭亭兩禪君
定州訪坡公雪浪石 有序

嘗讀坡公雪浪石銘心竊志之以謂中山自宣和
後屢經兵燹城市丘墟此石無復存理矣辛亥以
使事飯於清風店偶閱壁間有董易農題句因詢
之士人云石在州學近止數武因往探焉狀大如
二斛甕白章黃質以水沃之肌理墳起下承以石
盤畜水數石澄潔如鑑州守作亭覆之傍有碑圖
石貌併刻公銘云係公手書未敢辨也獨是紹聖
改元迄今六百餘年州之罹水火兵革興廢者幾
矣而此石巋然自存若有神物呵護之者卽云物
以人重要亦靈異所鍾也公在齊安時曾作怪石
供施佛印師而此石乃貯於州庠以供博士弟子
清賞抑又何也石傍題和甚繁漫漶多不可讀余
徘徊其下旣屬州守黃君天文爲余搨數本以備
山齋娛悅之具而又作詩以記之坡公不可見見
此石如見坡公也此石亦不可恒見見此石之圖
與銘併今日所作詩如恒見此石也

中山一片石千古素人心波影藏寒碧濤聲出靜陰
雲根應有癖良嶽獨遺尋吾識先生意悠然似遠岑

其二

不覩波紋狀安知此老心嵐光寒作瀨山骨澹生陰
灑瀨奇堪探峨嵋秀可尋劫灰千載後誰護此幽岑

其三

時已狂瀾倒先生自拊心恢恢哀世網兀兀峙羣陰
強敵氛初折宵人釁已尋樂羊彌謗地息壤在斯岑

慰刑庠貧士

卷青燈夜黃薤晡後餐論文襄錦易知我做裘難
孟飯何云報雙縑豈辟寒但期通貴日無傲此儒冠

八物詩

秋蛩方泣露蛭蟻尚轉丸頗憐蜂蝶意徒戀蚋蠅歡
振羽莎雞疾鳴枝螽蛄寒却前螳臂弱空著惠文冠

春日口占

山意在融和籬間長荔蘿入春晴日少對酒落花多
世事隨流俗詩情寄小槎幽懷常似此不醉又如何
春日偶作

綠蕉經雨碎碧柳過風眠梅萼初成荳荷苗乍撒錢
鷺鷥投復起乳鵲下還遷更有幽棲事千峯响杜鵑
丙辰秋日張節推登子招飲南園迴舟遇風漫
成五首

候雁何時至西峯夕影妍秣香方倚杖荷盡乍歸舷
倦鳥長天外寒蟬落木邊野航颺勢疾跌坐喜安禪

其二

蘭亭脩禊後此集是何年酒異竹谿飲人追維社賢
小樓叢桂日高樹夕陽天忽有風塵色中流誰著鞭

其三

主人戀朝爽投暮未能還樵唱南軒入漁舸北渚偏
空明函衆景蕭瑟起孤川吹萬聲何肆高吟秋水篇

其四

披林舒曠日白鳥下孤烟徙席隨松影邀花品石泉
亭棲康樂屐門到子猷船山水清音在寧煩試筦絃

其五

秋色在籬落一樽已快然况逢嘉樹賞復許醉翁眠
丹蕊凝香徑黃芝吐石田

時園石新長
金芝一本

連觴呼太白

履舞欲僊僊

春日訪友人

雪盡見汀州山雲曉不流
隔湖烟外寺密樹酒家樓
渚淺猶堪釣橋低不得舟
今宵應有月誰共剡谿遊

其二

雪消春澗漲風定野梅香
山寺侵晨寂漁舸入郭忙
閒雲回遠岫寒鳥試新簧
雞黍田間約隣家酒過墻

壽霖翁沈都護五表

壯烈長城望奇猷國士風
智傳黃石叟勇震黑稍公

麟閣年稱少龍驤爵日崇
萬邦將燕喜斯日拜彤弓

戲題風鳶

爾初無健翮一任小兒牽
因勢能翔日乘風欲障天
所憑唯線力自喜若飛仙
頃刻從空墜輕狂孰肯憐
辛酉元旦大雪

天心原有素踰歲更無塵
栢酒春初熟椒盤臘後辛
漁樵稱社侶杖履候山民
唯恐望烟處誰人餉米薪

翫松二首

嗟爾蒼崖秀栖遲在故宮
問年遺甲子譜族志衡嵩

相傳係
南種
偃仰全冬氣蕭騷引谷風
旅遊常過此緣有
主人翁
同年萬
大來

其二

不受大夫爵自成十八公
盤根媿柔柳柯節傲疎桐
道占寧辭拙神寒洵卽空
精廬春色晚閒坐想崆峒

觀國門送別者

花信風何早窮簷乳鵲鳴
魚龍延百戲車馬角羣英
瑞色人多醉豐徵歲久晴
鄉思關不住和淚出春明

春暖

臚意催方去春光早自妍
雪峯晨始見樹色晚將鮮
烟散長安市冰流易水川
知君倦遊意欲買會稽船

春日登臥龍山

遠翠在山樓晴波忽點鷗
步虛思洛賦墜珥憶神洲
明碧天爲鑑盤紆水作鈞
偶凭闌外語聞說五湖愁

舟泊王涇江懷舊

晚市歸帆急唯聞儂語喧
落花隨泛水絮柳入村烟
棹短歌聲軋旗斜酒力閒
舊游曾泊此相憶幾經年

思故園筍

春山一夜雨拆土出筠孫皮裹蒼龍籜膚開紫鳳痕
漸高舒玉板斜發抱雲根本是野人味能忘碧水邨
病足自慰

蝸廬應抱膝扶老幸支筇蹇步駑駘狀巢居燕雀風
讀書希間輟賓客恕從容天意憐勞者瘡痍亦有功
蘇堤小霽見諸峯出雲

雨餘雲白渙千嶂始悠然野水通山徑高湫瀉瀑泉
鶴鳴深柳路鷗拍綺霞天偶立斷橋上與君看夕烟

其二

高峰次第出小岫亦蒼然白鳥投丹麓金魚噉碧泉
從無南渡社只有夕陽天佳客遲移舫谿頭宿渚烟
錢塘晚泊與蔣博菴大令聯舫

暮湖迴海氣輕雨沐山巔一鳥孤帆外羣峯落照邊
遙林明渚火暝樹辨谿烟良會知何夕江澄三月天
春日荒齋卽事

爲惜松風夢經年閉竹門花開延月魄池滿浴雲根
抱犢莎田闊垂竿石澗溫晚來聞杜宇從此欲銷魂

孫男懋權 懋梅全校錄

大觀堂文集卷七

七律

癸巳暮春過石井禪院偶咏

暨陽余 縉浣公甫著

靜聞谷口動疎鐘
千樹桃花繞屋濃
嶺外深雲迷牧
豎橋邊小艦臥
漁儂筍輿過澗迎
初雨竹舍飄旗咽
晚春此地已成墟
落久唯看石井壓
蒼松

旅中懷家

乙夜蕪鄉厭酒樽
聯舫魚稻入江村
莫愁白月秋來

淡偏愛黃花雨後存兩岸吟虫莎際斷一羣語雁夢
中魂淮南最有關心處野火熒熒暮掩門

其二

故國烟雲雨後時夕陽亭下漫吟詩當年留葉今安
在異日陽秋悔莫遲松老尚存凌雪槩菊殘寧貶傲
霜枝大科得土能餘幾枯木寒鴉仔細思

弔平江伯

落日荒祠秋草繁殘碑揮淚不堪論舳艫尚有星槎
額瓦礫會無月焰門龍艘總需新輓運鵠波猶是舊

隄存河原向晚吟蛩急子亦歔歔原上村

夜泊喜晴

飯犢坡前鶴髮翁牧豬奴戲小兒童新洲漲落魚賺
月遠渚波浮鳧怯風林際魚燈孤岸外蘆村犬吠水
聲中艤舟未幾荒雞咽又喜東臯旭日紅

九日過南陽遇雨

鷓鴣風寒旅雁賓斷波流水咽秋津孤舫竟泛白衣
酒故苑閒思落帽人盧橘乍甘朱實軟霜螯應美澤
雲深明年此會知何地手摘茱萸壽老親

京邸雪夕懷家園梅花

晴霄飛雪忽三更
鳩鵲樓頭萬籟鳴
爲憶初梅看竹
屋便思新月點松楹
宮鴉未曉頻催夢
塞雁因風忽
度聲應識山陰谿
曲外柴門未掩客舟橫

雪朝同翁君賦得寒字

雞人唱曉出長安
銀海光搖玉殿寒
熊擬柳綿光細
細姿同姑射骨
珊珊籠中會遇純
鸚鵡轅下應無黑
牡丹夢向剡溪尋
處士折將梅萼贈君難

卽事

宵雪初晴獵騎謹
酒姬呵凍玉容寒
陰柯瑟瑟粟冰成
岸煖日冬烘陌未乾
空有白狼懸易水
未教赤羽滯
邯鄲上東門外
乘槎客對此無歌行路難

夜雪爲風掃

平鋪銀屋淨無塵
又爾追風效早春
壓倒瓊瑤歡戴
棹掃除門闥爲袁貧
脩柯業炭凌霄出
小院淒清達
曙泯遙憶江南梅
發處寒香萬樹月華新

萬里遠遊無一同心之侶
閤室擁衾不覺昔年
爲諸生時雪夕挑燈兄弟共學之樂也

樹積霜濃九陌清碧天遙漢啓疎星夢回雞塞難尋
轍欲曉羣鳥不耐聽煮酒未嘗應戛火寒爐初熾學
支鋤閒思故國挑燈夕布被茅簷雪滿庭

秋日偕同人眺百泉遇雨

空山樹暗作濤聲寒苑靈泉沸小泓
借曲花谿吹石沫洄漩竹屋漲湫萍
鷗羣乍憇暇將暝鶴蓋遄飛澗
復晴頻掬珍珠漱客齒會當洗耳聽淙鳴

登泉南草堂有懷

一池青玉浸蒹葭百頃波光焰夕霞
饒有菰田明竹

嶼怪無樵唱出山家斷垣初發薔薇萼廢圃猶留菡
萼花因念故園叢桂好何時策杖對新葩

其二

西郊魚稻石泉香雁字橫開掛夕陽
幽樹參差通竹澗羣峯峩嶷抱漁梁
輕陰未掃青霞入古院先秋練瀑長
欲去且留清夢在懸知山氣挹襟涼

其三

迸開秋雪洗山膚谷靜雲深萬木癯
怪壑夜潮千籟湧連天夕嶂小園孤
草堂檻外飛觴客舊苑欄邊種

藥奴幾許歌吹千古事流泉終日漑平蕪

賀李韋夏買妾

誰將桃柳媚瞿曇紅袖連宵伴石龕從此巫峯雲六
六便教江曲月三三春鶯喚處蘭葩碧鴻雁歸時荔
子甘最喜才思科律盡莫沾花草愛投簪

秋日百泉上和邵旭如作

月魄深深露氣濃濤聲驚出樹林中天迴沙雁流霞
閣草合秋虫嘒水宮山骨漸癯唯潤竹雲根未掃忽
飄楓上方虛籟澄湫遠何處谿香入院風

其二

池陰放月碍疎桐百瀨聲濺落木中遙取嵐光臨碧
榭平分秋色近寒宮露華初滿長年藥山氣難支欲
墮楓銀雪浮溪雲入屋一筇乘夜嘯天風

早朝雪

萬木無聲衆壑平玉樓初捲水簾明叅差瑤樹千鶴
列搖漾銀城百雉清酒熟黃墟霞色淺絮飄茶舍石
烟輕紫駟踏破長安陌拂面冰枝不勝情

暮冬羈棲京邸寥寂已甚賓朋以酒食相名比

晚步歸旅舍見車馬傳呼者蠟炬輝煌不覺
展齒且折

楫楸初寒鬢已枯雪宵風籜下殘梧春明車馬來天
上鳳闕樓臺入畫圖宮炬乍分蓮跋炯譙鐘新動角
聲孤夢回雞塞霜華碧嘹唳捎人憎晚鳥

河工夜坐偶成

旅况於今只布袍河干蚊聚豈觀濠庭無唳鶴吹初
懶室有懸魚臥亦勞五斗未炊腰屢折一盂空視目
先蒿漫思蘭茝頻生夢何日春風駕遠濤

九日河次阻風

古岸橫舟奈爾閒西風催菊送霜鷗蕭蕭雁語明沙
外歷歷虫聲落木間秋草烟雲愁滿地長河沙鳥欲
歸山故園此會新橙美戲咏茱萸一破顏

初夏渡河赴汴城偶咏

紅浪新摧柳岸斜蘆葦深處有漁家兔葵乍擷盤餐
薄燕麥將芟爨釜奢遠岫出雲銜宿雨大河落日帶
平沙自憐汗背無閒晷何日携琴學看花

夜夢宅左沼中得魚

方池碧水舊成甃童子之時釣且遊自別故園疎檜
楫翻從清夢棹蘭舟河魴已薦細鱗美赤鯉旋爲尺
素謀但得網羅皆鼓鬣更占力穡報豐秋

暮行百泉上

閒尋瘦竹訪幽邨月滿清谿浸雪源嚮徹秋空飛瀑
雨幻成丹壑起雲根蘭亭脩禊山花寂柳浪彈棋石
碣昏惟有寒蟬衰樹下長流碧湍遶柴門

謝封民

爲爾窮黎淚欲枯強將心緒習模糊掀髯顧景知蒼

白捧腹摹書記有無非慕輞川圖別業漫思鱸膾憶
東吳自憐雞骨支撐久願逐家傭貰酒租

同諸寅謁劉臬臺留飲時臬臺已遷粵東方伯
使君閉閣草堂中輒許羣英一刺通展彼綠陰床半
壁傾將碧藕酒盈筒座多豪客渾忘醉主有高襟媿
晚逢馬首欲南南越近明年空憶荔枝紅

河干

一官如葉漫櫻身去住無心豈爲貧饒有夢魂頻脫
組莫將清興問迷津郵符屢拂官僮欲邸舍徒供牧

豎嶼陶令今知非爲酒甕頭偷醉倩誰人
雨夜趙岸鳧招飲席上作爲食對酒夢賦
古祠風雨沸鳴蜩靜院疎陰晚集涼酒市釀新開綠
蟻茗厨炊熟啓黃梁大舒礪磊愁無月起壽清真忽
有觴引騎偶留庭樹下半軒枝影欲欹墻

咏古樹

夢餘鳩鵲自笙簧高話羲年只草堂甕牖文章皆繡
虎盤餐新潔有河魴木陰倚徙原無定月下歌吹約
未忘此樹婆娑生意在爲君呼酒更添觴

贈隱君

徵君廬舍近光黃余亦留家剡曲旁君自傲閒同綺
季余將出處託知章林光無余空成寂月色邀君影
自芳每恨古人今不見風流寧獨藉高陽

飲同舍諸公

一盃桑落醉侯鄉掃籜展琴啓素緗餉我茂陰償永
日藏君深藿謝朱陽齋頭無事貧蕭史花下常看熟
阮郎脫幘飛觴渾未盡與君晞髮曝書囊

答邵蓼三見贈河上吟

誰題拳勇職河糜邪許徒慙恤緯發波上金錢田父
淚道傍兒女酒家資桃花月漲河橋夜楊柳風牽申
息師唯許更嚴人定後携樽科首讀新詩
捧讀方大叅歸興二十首心竊感慕因製俚言
步韻冷下里之和陽春也

星海飛濤碧萬重扁舸艤岸幾人同烟雲野渡河梁
遠風雨連宵震澤弘醉白會應逢葛穉草玄何事託
揚雄江南亦有浮槎處寧必支機屬漢東

其二

中流匏葉繫河濱疇向東湖問采薪偶爾悲歡猶故
我徒然啼笑學新人愁成溟滓三千劫幻出蓬萊一
粟身幾許秋容嗟寂寂桃花波上獨回春

其三

功垂河雒旣云隆復奠蛟蜃竣禹工沐首三春黃雀
雨沾衣八月鯉魚風十年桃浪看初畢一闕楊枝曲
未終洵爾歸帆隨蔓水茗谿應不負僊翁

其四

菊秀蘭芳奈爾何爭陳疏鑿異謀多未逢桂楫長菱

出祇聽秋風瓠子過幾載憂危愁地坎何人談笑抉
天羅百川幸已輸東鰈猶漲噶呶萬頃波

其五

萬籟秋聲酒一樽淒風泣雨共晨昏羣官戴笠同宵
處甲士披堅亦野屯自有冰輪雄北海寧煩飛劍俠
崑崙朝來手挽天河水鯨鱣長驅氣已吞

其六

甲兵十萬蘊胸中橫掃千軍海岱東歌舞八城收一
戰風霜十載淬羣工浮沉漸覺紅螺飽懶散安愁鶴

伯空擊碎唾壺仍伏櫪何如斗酒灑荷筒

其七

眠花藉草作芳茵底事茫茫孰可嗔贏得霜毫同匣
劍何妨電目若車輪買山未盡支公癖鋤菜寧嫌管
子貧蜀鳥也知歸去好浪隨桑女說艱辛

其八

僕夫已駕尚維之爲有官亭欲賦詩喜雨海鷗輕狎
早隨風鳥雀倦飛遲澗堂幽有驚猿在梅徑清唯放
鶴知臥轍扳轅皆故吏庾樓何日嘯吟時

其九
昨挽長繩日已西又從東觀起聞雞建牙方自螭頭
出積甲真與熊耳齊巴郡龍驤鍾鼎合中天麟鳳羽
儀睽鴟夷豈是浮家宅泉石膏肓孰可醫

其十
風埃飄疾謝東君觴咏何辭酒力醺臥抱山川皆有
興坐當河嶽豈無文已從赤帝酌黃石更向青谿釣
白雲祇恐猗蘭歌未已仙家雞犬復驚聞

其十一
浩然蘿薜孰云非但慮皇恩未拂衣三月鶯花雖欲
舞十年鳩鵲傍誰飛侯門此日欣無恙跨竈當年樂
有幾熟讀南華經一卷伯鸞今欲棄官歸

其十二
石癯鶴瘦也長生天遣東方扼潰垆初擬爲山唯篔
覆果然到水卽渠成三分塵土春偏艷六斗泥滓水
自清欲趁長風探宛委山陰今夜雪中行

其十三
綠沉紅淺藥欄移正是江天啼鳩時古寺茶香梅豆

小名園花信竹孫遲閒來農圃無非事偶值漁樵共
所之况復吳興好山水箇中風月任吾師

其十四

具區新霽鏡中帆碧焰明霞綠樹鬢閒弄鳧鷖忘夏
五夢成蝴蝶記春三豈真藥樹能輕病饒有仙根力
遣憨癡愛已將苗蔓掃朱薨奚復憶江南

其十五

寒雲遠水逐東流誰伴元龍百尺樓桃葉已零鈿翠
杏柳腰難倩斛珠收窈娘堤上梨花雨蘇小墳邊桂

子秋多少才人千古淚夜臺何處望揚州

其十六

畫船簫鼓大江東一帶橫塘影碧空桃李無言含宿
雨菊松有約寄春風子平婚嫁麤稱畢耘老生涯儉
不窮偶纜孤鯨對林叟嘯談移日應能通

其十七

歷盡冰霜翳忽開濁醪素筭且啣盃故人祖道驅車
出舊史悲歌策馬來花鳥三春邀月賞蓴鱸千里倩
風催知幾知足誠罕及願學稽生陟嘯臺

其十八

飄然屣脫此簪裾獨溯空明友太虛吹笛將跨緱氏
鶴移舫旋釣富春魚欲收蔡女尋笳拍且託班姬續
漢書親戚無庸相慰藉故園春色已初舒

其十九

數卷圖書共一船玄都千樹識劉郎遠遊宦轍皆如
水近幸家園亦小康歲酒應先山客醉谿茗唯許遜
翁嘗平泉美石唯天賦寧汎吳門獨有聞

其二十

鏡浦吳川鍾世賢白虹黃玉動靈篇已將家訓酌天
室又捧恩綸到日邊雉瓦久彌純孝里雞豚猶憶及
青年墓田春酒秋原樹杖屐於今共往還

未秋萬大來同年見訪偶作

河氣秋嚴水作雲晚紅寒翠日氤氳憑高欲翅鶴鷗
我握麈將翔鸞鷺君野寺蔬盤稀宿儲籬門獵火促
新聞相憐古道真違俗便擬歸兮孰可羣

秋晚歸自河口

沙明草軟駿蹄輕河曲長風動地鳴邪許萬聲魚貫

列颺颺千里雁行平歸村閒共漁樵語策騎全無隸
卒迎臥聽月高砧靜後小樓今夜徹吹笙

未秋思故鄉山水之樂漫成
五柳於今茂若何寒香疎竹晚相過饒有紅槽堪餉
酒寧無黃菊可浮觥開軒唯見山烟在掃徑何嫌露
葉多誰念天邊嘹唳處聯床風雨夢歸麼

未秋思故鄉山水之樂漫成
霜淒雁急露華明竹舍新炊白粲秔采菊乍逢柑子
熟携筴恰得野螿橫全收芋栗山家樂飽有煙霞道

服輕最愛溪頭紅葉路莫教樵斧更丁丁

丙申夏日四師自越至豫以鞵茗見餉且約棄

官歸日結茅五洩洞岩間以七十二峯爲友

而予貧宦并不能以杖履爲資賦此贈之

泝涉江淮復渡河携來鳧舄併茗柯約成蓮社期非
遠話到松溪悟忽多最是壑峰雲老處幾人瓢笠雨
中過買山今屬支公矣泛海其如蘇子何

恒鑒上人鮎魚潭精舍卽事

山居偏佔白雲窩每到花時落瓣多瘦竹緣溪深蔌

大觀堂文集 卷七
筍枯松穿石掛藤蘿雖然杖履行非遠頗覺園林興
莫過月下何人吹玉笛移將輕舫共寒波

暮秋堤上卽事

菖蒲老葉荻聲乾沙雁初從水渚看寂歷花枝蠹戶
靜扶疎樹影鵲樓歡擬將烟雨歸漁艇便折篔簹作
釣竿世事已憑驢背穩攬驄何日發長安

其二

籃輿過雨笠初乾落木蕭蕭眼倦看吹雁朔風遊思
勇趁鷹衰草獵心歡田家遶屋蔬三徑埜店飄旗酒

一竿翹首白雲江外邈何人堅臥類袁安

其三

河滿秋聲柳色乾四垂白草幾回看晚田芻牧牛羊
茁蓐食郊疇鳥雀歡江外寒雲天一角齋頭老吏日
三竿蒼生自屬封胡事且共支公訪道安

九日韓子景琦以菊花酒見惠書謝之

爽旭涼颺菊薦秋閒庭無事最堪遊平原草謝吟虫
急天際雲迴塞雁流盧菊乍懷籬下美茱萸誰折鬢
邊愁唯君偏念陶彭澤歲向中山酒若油

平丘八景

用前令張公鯉韻

中灤夜雨

虎旅長驅濟浩湍洗兵河漢下中灤烟雲早辨真人
氣風雨驚傳大將壇埜樹陰深刁斗靜荒城月白鼓
鼙寒蕭條勝蹟丘墟盡左右嵩行眼倦看

磨潭秋月

小池寒碧自生妍搖漾秋蟾桂魄鮮午夜暉飛金作
縷長空霞焰玉吹烟冰壺孤映瑤臺客娥杵光傳博
望仙兩鏡相涵誰上下水天一色共心緣

青陵古樹

一擲名軀萬古芳青山白石共秋陽新臺空賦無媽
婉舊恨相傳有辟王木末愁淒雙蛺蝶塚邊哀叫兩
鴛鴦可堪金石消沉後莫辨清流雁與魴

黃池芳草

棠檝蘭舟河海通誰將花草植吳宮三千犀甲摧雄
壁一劍魚腸殲首功國相自屠君氣墨美人難得廟
謨空池邊碧草今安在茂苑萋萋卉木同

封父舊亭

縱轡蕪城策未停
填眸榛礫慟生靈
衣冠自古傳王會
亭落於今祇廢垌
魚鳥浮沉同鹿豕
柳蒲蒼翠類松篁
閒尋封辟行遊地
牧唱樵謳不忍聽

翟母遺墓

京索相持困短兵
飢逢箪食豈期精
王孫偶飢同漂絮
帝子家餐媿櫟羹
古井旱時常用汲
墓田蕪處孰爲耕
只今丘隴無封樹
猶勝投金瀨水名

淳于曉鐘

斷阜連崗類貫珠
聲來窟室達天衢
似鳴萬石銅龍遠
却震千家夢蝶紆
括地何年移雒下
談天空自詫淳于
於今欲辨農興候
乳鵲啼鳩節令殊

翟溝晴波

碧濤寒影盪花溝
柳色銀塘風日悠
喜雨鷓鴣眠澱水
弄晴鷗鳥狎新流
浮生徒戀三升醞
泛宅誰飄一葉舟
數點菰蒲漫青翠
河雲渺渺莫勝愁

中灤夜雨

其二

當年洗甲誰堪數
曾奉軒轅掃獫狁
寂歷蕪城幾百秋
蕭條柳岸悲終古
中原草木壯金戈
月下風雷助

征鼓奏凱歸來胙土茅神功猶記河之澣

磨潭秋月

其二

一掬盈盈通溟渤下泉寒碧何時竭空嗟林下影空濛未覩桂叢芳信發衰草斜陽急晚砧荒籬古岸淒殘碣行遊勝事不堪尋朝來獨住西山笏

青陵古樹

其二

貞女幽姿矢無顧荒王謬作新臺賦天邊鴻冥妾何求塚上鴛棲君自忤枯莖空存連理紋斷雲猶壓傷心墓寒原衰草接天愁何地青青暗寶婺

黃池芳草

其二

吳晉之宗皆豐鎬周衰遂失會盟好徒爭雄長弊兵車反媿諸卿歡紵縞綠楚芊綿牲坎除青林荒漠帷壇掃三千組練幾人歸日暮寒蟬悲野老

封父舊亭

其二

太行曉霽數峯青遙映蕪城歲月經建國何年存姓氏剖符此地列辰星萬家烟火餘殘礫一望亭臺祇廢甌孤眺長吟誰箇好柳綿入水近爲萍

翟母遺塚

其二

芻蕘莫禁先賢壟誰念此嫗墓木拱進飯非爲王孫
謀壺餐豈期帝子寵千年牢醴故人心一日雞豚敗
軍勇寂寂長陵抔土乾孰過遺墟弔殘蛹

淳于曉鐘

其二

誰爲窟室奏清鏞每向晨興勸老農曉角未吹春露
滿晚烟初寂月華濃聲移柳黛催新火韻壓桃花帶
早春牛鐸何年成啞律崩山疑在蜀西峯

翟溝晴波

其二

一池寒碧漲新荷灩澦清芳初雨過翠巖歸雲開鳥

道長河落炤帶魚莎欲尋勝際填奚草閒訪澄溪作
水歌世事幾堪桑海變淳淳今已茂嘉禾

河村秋夜高望深思不知此身之何所去來也

秋原落炤暮禽歸風靜雲連樹色微渡口輪蹄看欲
盡簷頭星月入牕輝寒燈寂篝三更火砧杵悠傳五
夜衣老吏齋中無箇事臥聽雞塞旅魂飛

署樓秋夜

木落河干日色曛虫聲歷歷似榆枌月明古渚魚燈
小風定新洲鶴唳聞五載孤牕聽夜雨四時凭檻望

江雲朝來挂笏西山近爽氣何妨對此君

蛩聲

落焰岑岑懽客懷草堂閒閉木蘭柴清音適與詩腸
淡雅韻寧堪俗耳偕蜂蝶妍香歸自老蜩蟬泣露戚
無涯寒吟孤月唯君在共爾晨昏深柳齋

葉聲

萬樹蒼蒼古岸隈烟雲終日對清談西風雨過寒枝
悄北塞風來秀木催蕭瑟辭柯霏遠徑幽涼和露落
殘苔敲牕幾片堪題句時共天葩月下開

雁聲

長風衰草接天蕪秋月如珪露若珠塞外雲寒度渺
渺衡陽波斷集瞿瞿翱翔應近清江渚嘹亮初來太
谷嶠夢醒益摧投劫興歸槎何日餉松鱸

砧聲

晚田炊黍刈新藜日暮寒郊韻自淒搗罷征衣風漸
北擲殘悠杵月應西誰看桂魄光如水空念蘭叢手
若蕙回首碧天雲漢迴支機疑是舊封題

秋聲

乍起長林喚夢醒
井梧葉葉扣疎櫺
莎雞咽露鳴
頽砌旅雁鞭風度
遠汀樓笛高低吟
落月隣砧斷續擣
殘星披衣欲和歐陽賦
撥盡寒燈未忍聽

立春日喜晴

草舍寒村歲月臨
農疇豐稔吏民心閒聽
土鼓吹幽樂共祝匏樽奏
瑟琴天念遺黎開霽色
人哀老令發歡音兒曹早
葺東郊事花信風來卽雨金

其二

歲事雲祥物色臨
東風梅柳故園心
競鞭土犍驅阡畝共挽柴車聽
素琴一道陽和熙景運
四時豐阜下嘉音
封人應演于薦部
大酺年來待錫金

山陰道上

萬麓春深擁白雲
樵風過澗恰相聞
亂流百折隨山意
丹嶂千尋壓水沄
叢竹送青啼谷鳥
古蘿新翠挹谿芬
爲貪看石常箕坐
屨杖忙來日又曛
春霽郊行歸臥小齋作
谷口春殘忽放烟
斜飛白鷺下坡田
蝸牛過雨猶涎地
枋鳥乘風欲罵天
十畝平蕪誰種秫
一池清漪漫

裁蓮莫嫌貧叟無歡事蜂啞瓶花我正眠

谷口題越城張推官登子壁用曹秋嶽韻

小隱湖邊花吏散南華亭下酒船歸山光夕照虛銀

燭海氣朝寒怯紵衣新竹乍添谿翠滿乳鳩啼罷雨

禽稀相期秣稻生香日偕子重來蟹正肥

舟泊京口晚雪時已寒食後十日矣江南春早

俗傳清明斷雪於此不驗作詩記之

積雨江城筍蕨饒餘春花事忽蕭蕭波明野渡低烟

出雲滿青溪密樹遙危坐擁裘思楫拙大呼浮白鬪

飄緜開軒四望寒何自飛絮原來趁曉潮

名伯湖晚泊

天垂木末水浮菰春漲魚梁雁拍雛小舸乘風身似

鶴江村過雨興思鱸已收湖海為詩社敢倩烟雲作

畫圖矴磊半腔澆不盡秦郵應遣百千沽

其二

白鳥青莎碧岸春漁家三五共花津歲需醢鮓供櫻

筍不羨鱸羹伴水蓴細雨夜歸呼泛宅曉烟欲曙餉

垂緡更憐新月澄溪路自榜扁舟問酒人

其三

青草湖邊柳港深不愁風雨日垂綸
芰荷屋角生香蚤鳧雁床頭入夢頻
波接河淮常灌耳雲聯江海欲生鱗
閒亭夕焰空樽在堅待冰輪出水湄

舟泊高郵

回看南天天漸低連宵江雨白雲迷
千帆遠影搖烟樹兩岸驚濤拍柳堤
魚鳥浮沉依水市鼓鐘斷續出招提
孤舟獨纜寒郊外目數歸禽念所栖

高郵湖弔亢佐五先生

公以漕督殉海逆難

海鱷橫江孰射潮水犀朝潰火通宵
孤軍一戰危於卵壯節千年炳若杓
自分鮫宮盟屈子甘將麟閣讓嫖姚
出師未捷星先隕國論寧忘恤裔苗

其二

海昏天暝黯江塵仗節捐軀共幾人
賊退幸收勳不戰事平咸笑死輕身
千秋青史知誰是一片丹忠詎肯泯
臨變若期生富貴何時方許作純臣

其三

鯨波忽湧大江濱千里淮南不擇音
力捍孤城忘勝

敗志殲強寇敢浮沉非從天上騎箕侶欲媿當年首
鼠心湖畔青燐風雨夜至今遺表泣霑襟

舟次山陽卽事

燕將雛舞柳棉飛浪湧漁舫鱖正肥淮酒初濃梅雨
暗吳蠶方老柘風微農緣輸賦田疇薄官善征商估
客稀唯有野人無逋課市橋長載月明歸

贈總漕林大中丞

神京一線仰漕渠荷擔唯茲見有餘軫恤蒼黔全
國本驅除鼠雀肅天儲五年壁壘旌旗變萬里帆

檣枕席居轉餉從來希要策願公編輯上中書

其二

史稱食貨并河渠善法應令下有餘弁卒豈堪嗟竭
澤舳艫無過慶豐儲欲籌金粟舒民困肯畏風波念
退居蕭相功成猶得謗何人辨解樂羊書

弔故總河朱梅麓先生

用前韻

報國忘軀孰過渠一生清節道之餘承明著作空
羣輩開府勲名有宿儲四載真猶拯已溺十年何敢
賦閒居慚余曾作河濱吏徒濫先生薦士書

其二

特簡才人長石渠禹功曾講八磚餘端醇品目揮

宸翰

先生在內院時世祖皇帝曾親定其品曰端醇每言及輒感泣

疏淪功名濟

國儲一死自難違主眷半生何日念家居南池碧

草青蒲外應有先生玉簡書

黃河夜泊和吳豫木作

偶愛漁梁息短篷機絲蟾影入宵通村燈孤映林光
外戍鼓微聞渚曲中露坐每邀山吐月高眠唯患石
尤風隣舫幸有騷人在刻燭高吟興自全

其二

古岸斜牽一小篷汀花岸草夕嵐通寒雲渡水烟林
外新月依人柳色中坐聽濤聲疑過雨夢迴鷗影欲
搏風奚囊漫續驚人句春到桃源徑不全

其三

漁舟燈火正黃昏柳岸蘆村早閉門沙雁按更常作
語驚濤拍枕半銷魂九天明月人三影萬里長槎酒
一罇清興豈堪悲逝水隨風真欲躡崑崙
見桃源縣荒地有感

遠瞰高檣似簇筠旗亭風過野香新萬艘邪許蟻行
岸一線紆徐鬣傍津漕輓洵堪資國計蕪田終欲
賴遺民莫綠穀賤輕農者尚有蒿萊果腹人

和吳豫木南池作

碧漪殘照柳垂池有客閒吟太白詩四望湖光千澗
合萬重山翠一峯差樓頭百尺誰高臥渡口孤舟自
遠思留待巖城明月上共觴蓮葉送香時

其二

昔賢豪飲此芳池斗酒長吟齒蒼苔詩涉筆龍蛇皆竄
走臨軒魚鳥共參差青山入夢通仙躅明月爲徒釋
旅思正欲醉花花未發一罇遙賞碧筒時

萬年間登眺鄒嶧諸山

齊魯青青岱望尊羣峯環列肖諸孫雲歸東溟嵐光
淨風過南湖水氣昏故里衣冠通澤國平疇烟樹接
名村遙瞻翠壁孤騫處應有雙桐對孟門

宿鄭州懷昭君故里

用吳豫木韻

日暮吹笳不忍聽穹廬閒盼古渠亭漢宮人去花無
絕塞書傳雁有翎飛將長城驅士馬畫工尺幅葬

娉婷可憐秋水君王眼不惜蛾眉棄北庭

阜城題壁

迢迢古道白楊邊尚有殘鐘記昔年夾道柳陰銷溽暑接天亭鄣熄烽烟驕騶載驟青門地軒蓋遙飛赤縣天此路只今多茂草何人流涕媿乘傳

書富庄驛居停苗次泉壁

旅次欣投鶴髮翁蕭然一飯且從容疎花小石幽人致脫粟園蔬逸士踪壁上留題多越客巷間停轍半吳儂世塗寧暴驚豺虎雅道如君洵罕逢

早朝候啓鑰

雞人唱曉月欹樓軒騎爭驅宵恤騶樺燭已餘三寸跋司閽猶按五更籌宮鳥啼散霞光曙櫪馬饑嘶露氣收遙望承明隨劍履九龍高處五雲浮

馬上偶感口占

自傷老大更頑癡逐隊隣家昨暮兒野興祇堪同木石潤身焉敢近膏脂先君有好臣偏少劉尹何人我自知不合時宜非一日敢將衰鬢溷芳姿

秋日上封事登太和殿見西山

香靄風清白玉臺千峯朝爽送秋來凌霄鳳闕丹
霞迴旭日龍墀碧落開闐闐煙霏嵐影動夾城花
氣岫雲迴殿中簪筆多班馬媿我曾無作賦才
早朝口號寄友人
禁城寒曉月千門山氣涵秋曙色瞰宮樹早啼鴉半
去名園晚翠菊猶存領軍甲第堪馳眼開府歌鐘欲
斷魂何事南坊寒柱史瓦盆終歲薦霜根

維揚弔古

聞說邗溝春曉中錦塘十里翠霞紅半谿香雪迷樓

粉一片笙笳綵纜風帶月門敲雙塔院趁潮船送五
更篷只今橋上吹簫處遙望瓊花觀已空

祝朱母王夫人壽

松江郡丞朱沐
在之母山陰人

宛委羣峯遶鑑湖雲間司馬鳳凰雛絲綸舊握文章
府彩翟新開海嶽圖門外蓬山遙影竹堦前瑤草節
生蒲半簾秋水聽笙鶴封鮓懸知有鱸

壽隱君

曾向耆英會上看怡然杖屐日盤桓花深別業歸應
晚酒熟名村興不闌天半笙璫調白鹿雲中雞犬傲

青鸞絳人甲子方初度渭水何年釋釣竿

憶同社

叢桂明霞道服涼角巾秋月問滄浪谿頭小樹楂梨
熟山路寒花野菊香海叟命樽唯稻蟹魚村舉網得
河魴筍輿到處蛩聲急之子其如天一方

登臥龍山公署

臥龍官舍世間稀竟日齋頭擁翠微湖海一身天際
渺樓臺百尺雨中暉漁舟隱隱移村樹燈火熒熒動
水扉但得使君能醉酒峯頭不醉吾安歸

大觀堂文集卷八

暨陽余 縉沅公甫著

七律二

平原道中

秋虫寂寂吐青絲正是田家種麥時屋角餘瓜方抱
蔓籬邊新菊又刪枝村廬黍熟驅雞疾古陌花深飯
犢遲聞道此邦多旱魃近來陰雨可相宜

躑突泉懷李于鱗先生

偶循南澗入東籬漱玉亭中景漸移翠竹幾竿山閣

冷白雲何處雪樓欹涼飈拂檻吹清瀑落照啣軒弄
碧漪一自鶴歸人去後騷壇誰續少陵詩

趵突泉詩

并序

泉號樂源湧穴神奇清澈可鑑素爲遊人所溷泉
神憎之夏五月有客置酒奏樂觴甫舉狂雨驟至
雷電晦冥南山百澗俱集頃刻水湧丈餘房舍橋
梁盡遭潰圯座客有幾滄斃者逮秋提督楊公始
捐資庀材尅期脩舉而余來尚未落成所見唯殘
碑斷碣市人畜鴨數頭啜喋其中水殊濁惡黃冠

數輩逢人丐施語言怪俚俱敗人意作此志感

耳熟名區縱所之登臨全未忽生悲斷垣半宛青山
句廢碣全埋黃絹辭樹倚草橋飛倒景谿迴流藻漾
秋思誰將水府蛟蜃窟誤作城傍鶩鴨池

其二

浮珠沸壁竟何之周覽泉源且莫悲胸有江湖堪寄
興目無滄溟漫題辭全收瘦竹幽花意恰抱清溪白
石思曾夢道人相顧笑等閒休溷習家池

天心水面亭

閒隨鷗鷺遶湖游
衰柳殘荷不禁愁
一帶寒嵐環碧嶼
萬家烟火映朱樓
風來月到渠堪樂
露白葭黃我獨憂
祇羨孤舫垂釣者
灤溪新雨正深秋

其二

暇日滄浪掉臂遊
芙蓉洲畔夕陽愁
泉聲暗入幽溪館
山色寒侵木末樓
自侶菰蒲舒逸好
敢邀魚鳥謝深憂
巖城處處聞砧杵
况復西風叫雁秋

歷城西郊

小苑秋深菽黍香
偶操輕策過山莊
菜畦麥隴千村碧
菊蕊霜葭一帶黃
磊石成峯開絕巘
引流環舍作滄浪
縱觀野興猶難禁
清夢依然到草堂

九日袁大中丞楊提督招飲千佛岩

初期采菊過東籬
又陟南山擷紫芝
鳥道俯窺龍洞影
蝸廬遙瞰鳳岡陴
清歌妙舞人皆艷
美酒名花我亦宜
醉帽臨風欹坐久
夜涼乘月下松岬

肥城道中

筍輿到處嚙雲根
又見危峯怪獸蹲
碧草紫崖紅葉路
青溪綠水白楊村
蠶叢估曲疑無徑
鳥道紆迴別

有門竟日飽看渾未足擬將癡墨洒黃昏

贈泰安李守備

余令封時李以河督散校至封嘗識面別十餘年矣迄今復見

感而贈之

十年持戟老河干出典金符嶽色寒
男子鬚眉應暫展故人面目喜重看
巖城尚圍空羣足幕府空彈服
猛冠邇日廟堂思李牧懸知推轂重
赴桓

九月十六日晨謁遙叅殿見山椒白雲四合似

有雨氣已而復霽書此志喜

曉霧山烟遶石城望中嵐氣作飛翼
危峯盡吐蛟蜃色絕壑遙聞鶴鶴聲
忽訝白雲亭午散依然紅樹夕陽明
此遊端藉山靈力雨雨風風不廢晴

漢栢

長楊五柞盡承恩花草吳宮孰可論
已見隄桑成渤海肯教析木竝崑崙
總緣材異能藏用亦藉山高得久存
甲子數千興廢幾可曾隨處託深根

唐槐

枯質重生第一枝根株猶抱永徽時
當年剪伐悲中葉異代滋培荷丕基
雨露數朝垂蔭遠風霜千載報

恩遲名山卉木婆娑盡猶喜樵蘇獨此遺

登岱遇雨

名山亦爾妒清遊一夜涔霏雨不休嵐氣高寒幾墮
指天風勁疾欲摧裘亂泉掛峽都成瀑怪石凌空恰
似浮擬向上方看海日白雲千里絮滄洲

憇黃峴嶺

天遣雲林作賦題千峯萬瀨曉淒淒路迴松杪攀猿
穴徑接巖顛俯鶻栖怒鬪龍蛇喧絕壁摩飛鷲鶴墜
蒼谿微來漫欲矜頭角舒卷雲中一跛屨

天門

芒鞋初躡上天梯手捫青霞繡紫霓風捲黑濤吹海
立雲投雪絮裹峯栖仰看蠕動人如鳥俯瞰澄光水
一梯疑我雙眸小天下似將暝色眩兒啼

天妃殿

翠微深擁白雲梯戴笠支筇踏彩霓金闕晚鐘寒有
露玉階新雨淨無泥簷頭星斗應如杓山半樓臺渺
若蹊欲看五更滄海日峯邊孤臥聽天雞

夙分飯朝陽菴香醴非蕙餐聞巖壑雨寒金京州

長松古洞石泉香
餉我嘉餐澗道傍
過雨茅龕涼佛火
緣溪松瀨濕僧床
山毛忽發椒蘭氣
茗莢新看冰雪光
擬裹餘糧登絕頂
全收嶽色重奚囊

醉翁石

由黃峴嶺而上石皆怪作萬笏林立此石獨欹臥若畫中所稱醉仙者題以志

天之

山中道士樂全真
醉後歌呼不見人
漱石枕流誰荷
鍾眠雲釣月未收
緝千年野鶴青谿
夢五夜江鷗海國
春知爾前身原是
甕科頭羞著九華巾

五花峯

在公館之前石如蓮瓣者五

青跗白萼碧爲葩
道是羣僊控鶴家
幾瓣臨風香作雪
一枝含雨翠生霞
穹隆碑畔雲猶暗
玉女梯邊月未斜
何事封姨生憎美
五更殘角落琪花

東昌光岳樓三首

步韻

振衣百尺落霞明
一望津渠古木平
戰罷中原銷鼓角
荒餘民俗少樵耕
堅城自昔能摧敵
勝地從今不被兵
惆悵征途凭眺久
昔年風雪淖中行

余癸未下第南歸過

此遇雪舟膠淺步過聊城

其二

嵐光樹色晚郊明
灑酒臨高岳寺平
村落幾家猶乞活
蒿萊何日許深耕
河通食貨常勞戍
地號強藩舊苦兵
自愧迂疎無勝策
登斯聊復賦歌行

雲中歌吹月華明
觴咏隨時紀盛平
萬里帆檣來海國
百年荆棘重農耕
知君腹內無鱗介

時同遊者吳公甚朴而賢

媿我胸中少甲兵
每笑乘軒賢使者
何人能不負斯

行

曉雪既霽復作

天津署中

寒齋高臥日曛曛
曙色時開舞絮中
海氣遙聯沙岸白
山雲乍吐岫霞紅
一樽聊復酌瑤鶴
五夜還愁聽玉鴻
極目南天江樹外
故鄉應共六花風

過鮮虞讀壁間韻有懷楊筠湄同年

筠湄以論列親藩左

官川北道行次鮮虞喪偶壁間詩其悼辭也作此唁之

雨霽蕪城夕照偏
籠寒弱柳拂輕烟
綠畦一片黃埃

淨碧嶂千層翠色連
四望荒亭堆礎日
獨哀遷客絕

冰絃當時誰送楊
臨賀匹馬春明已十年

過沙河喜晴

蕪城柳色乍來清
緩轡遙看翠岫明
芳草無人春色冷
白沙如雪浪紋平
溪從斷峽雲中出
路向茆亭樹裏行
此日勞軒真有幸
朝來寒食竟新晴

俗云寒食多雨故深

臨洛署中

卽廣平

穠桃纖柳白沙谿
點綴春風客思迷
水近漳洹津樹密
地連河朔嶽雲低
窺關紫氣人從北
夾道紅塵騎日西
偶憇荒亭樽酒在
開軒聊聽乳鶯啼

順德道中新杏

山庄小墅共園花
淡白輕紅又酒家
一段疎香宐月夕
三春麗景惜天涯
過橋幾片隨流水
落照何人辨晚霞
聞道刑人能種菓
芳菲爭似藝桑麻

宿邢臺

晨鐘初度乳鴉啼
倦夢依然客思迷
亭柳乍經寒食雨
山花如入武陵谿
高齋嘯咏多灾石
旅興淒其獨少題
遙望仙巖漫洄溯
劉家雞犬隔雲泥

叢臺懷古

蟻視強秦懾五雄
短衣親角寶雕弓
氣吞鶉首天方

醉變起熊躡夢忽窮風雨過墟啼社鬼烏鳶銜肉餉
離宮天橋雪洞今安在悵望沙丘夕照紅

黃梁夢

仙家一枕破羣矇方信千秋瞬息中大事全憑造物
意小愁權寄醉鄉翁行雲空自憐飛蝶踏雪何曾記
冥鴻驚覺原來仍是夢且隨閒夢聽松風

鄴署琴亭步韻

拍手閒亭獨溯洄空清逸韻自天開咄嗟儼與宮商
合笑語驚聞風雨來焦尾雖焚遺舊譜廣陵旣絕更

新栽建安才子風流盡誰弔西陵咏雀臺

淇縣懷古

遺墟麥秀尚堪哀况值千岩暝色開躑躅牛羊歸廢
苑癡肥狐兔穴荒臺每嗟燕婉人何在深惜乘軒鶴
未回夜靜空城蛙語亟渾疑牛飲作轟雷

贈宗廣文亂錫

子令封丘公爲學博共事六載
深荷相成茲從濟原來顧予於

衛

六年艱苦共平丘屈指離踪十二秋君在家園能學
道吾耽朝市媿風流南天有雁頻愆約北海無梅孰

寄愁深謝多情能杖策相看華髮漸盈頭

六平贈封丘岳明府

聞說蕪城漸烟火遙知官舍有潘花十年牛馬渾如

夢百里雞豚却似家堤柳依依能放眼庭槐咄咄定

張芽歲時手植曾無幾念此寧無感物華

或與春日封丘渡河作辛亥巡鹽距令封日已一紀矣重過舊郊老幼歡擁追隨

馬首者數百里不絕作此謝之

十年重見柳條新此徑居然可問津拍岸濤聲驚短

棹傍郊花氣入輕茵寒雲半護荒祠晚小雨初開舊

國春為謝扶筇諸父老勞人空爾念遺民時同事者載馳甚速

余不克獨留顧車下老穉依戀情深潸然垂涕者久之

東明懷筠涓同年公舊令東明與余入臺今以川北道被謫家居

昔年風雨話連床曾聽揮絃治策長習苦舊瞻烏府

栢懷甘今識名公棠千村綠浪春畦秀一道紅烟林

杏香問俗喜從耕牧語并州真屬使君鄉

海棠考城行館隔牆海棠一本扶疎可愛花已落矣惜不數日前過此獲覩其盛也

別院深深花事闌枝頭猶看小紅殘為誰違却臨風

約念爾徒思帶月看寂寞子雲常閉閣多情司馬漫

凭欄落英無數鶯聲密知是河橋柳色寒

贈了原上人

不到共城三十年山齋松栢可依然堂隣盤谷唯多
石琴號陶情恰少絃破衲差堪支水月詩瓢久已掛
蘿烟近來寒食新槐火玉版何時煮石泉

春日讀宋史偶作

皂帽桐江處士家鐵函書祭夜沉沙西山已絕孤臣
蕨東圃誰耘名氏瓜德祐夢傳遼海鶴義熙人老鏡
湖花春郊野叟吞聲處幾樹冬青冷月斜

壬子三月 上奉 太皇太后駕幸赤城廻鑾

志喜

榆塞風迴吹柳眼玉塵千斛翠華平射鵬競試捉生
手扼虎新教當戶兵萬騎宵寒刃斗肅六軍春燠鼓
吹明已知仙掌浮甘露不向溫泉列御宮

其二

忽喇鷓絃隨夜蹕朱旗旋繞玉關平笳聲曉沸天山
戍草色春酣屬國兵飲馬城頭驚雪盡迴鑣香路看
花明遙瞻 翠輦經行處鶴鹿雙隨細柳宮

姑射書傳青鳥使冰桃初灼泰階平瑞怡慈壽方
旋蹕喜溢蒼黔更洗兵文母三朝恩竝渥曾孫
億紀孝常明六宮春色今年早乳燕新來塞北營

贈吳魚山同年

一回相見一回親兄弟天涯只幾人曼倩談諧非避
世嗣宗沉醉豈辭貧心期婚嫁應粗畢舊約湖山尚
未申幸有長安清夜月供君長嘯不需緡

署中口號

太平無事可書箋目睭巢鳥又幾年北道主人紛似
蝶西臺謫子寂於蟬做裘索盡長安米駑棧空縻少
府錢慙負老農耕稼意春來決計咏歸田

贈楊菴河道

百年康濟一勞臣靖海防河藉此身地處艱難懷舊
德時逢昏墊重新仁聯吟荆口猶如昨把臂夷門尚
幾人十載夢魂空繾綣西風遙拂庾公塵

壬子京邸翰兒南歸秋試口占以勗併寄羣兒

桂蓋江聲月色新西風勁翮乍驚人氣蒸霧豹三山

采波湧蒼螯五色鱗豈慮穴蟻遑驥足當看懸蝨類
車輪摧鋒奪燾等閒事期汝前茅戰捷頻

人邸中偶作

閒居漸覺道心肥醉裏山容照落暉春夢每隨江鷺
遠鄉思已共雪鴻飛十年西岫新遊屐一卷南華老
衲衣擬買小舸艤野渚晚林常看乳鴉歸

贈醫者壽日

肘後丹經不計年壺中花草望如烟濟人一盞金莖
露引興三峰玉井蓮海外棗瓜俱是藥雲間雞犬舊

稱仙酒闌自捲珍珠幔靜對長淮鷗鷺眠

西陵夜泊

草長江臯鶯亂飛楊花如雪趁人衣海門潮上征帆
亟莎岸烟生釣艇稀山菓成蹊催夏熟湖蓴入市賣
朝肥清江月滿休辭醉佇聽譙鐘出翠微

蠡城口占

家在東南第一洲千巖萬壑抱書樓清通賀監湖邊
宅逸興王郎雪夜舟梅墅橋頭花印月柯亭谿畔竹
生秋閒來杖屨南塘路指點爐峯翠欲流

元日飲玉帶泉偶作

綠山淺注白雲肥
寒淡如君知者希
偶爾汲深茶具
滿歲朝烹得碧香
微醒來勞夢難於
醉清入詩脾見
可幾擬待陽和溯
棹去輕舟親載雪
波歸

甲寅春王月十日余初度適久雪新霽同祝子

禮劉爾調羣從東
覲偕澄浩湘三兒
泛舟禹

穴還探天鏡園作

泛宅徐牽亦偶然
狂呼浮白白浮天
亂峯搖碧寒潭
外一葦凌空落照
前彥國老來猶蠟
屐道林能醉賴

羣賢野航共載迴
帆小墅水溶溶月
滿船

夏日坐澄映堂

不出階庭樂有餘
蒔花澆竹種盆魚
堪銷永晝唯觀
史欲寄閒情且作
書有酒豈愁芳徑
淺無眠常愛夜

牕虛生平浪識佳
山水近得青藤護
草廬

堂前有青藤云是徐

文長先生故址

甲寅五月里居感懷

六詔由來喜弄兵
夜郎何事效昆明
已占梧桂殲封
豕佇見甌閩戮海
鯨縹渺洞庭千岫
入崔巍劍閣五

丁平王師不戰懷三錫飲至何時鉦鼓鳴

乙卯春暮還高湖展墓作

半年不到家園住今到家園似客居亂後喜眠松竹

徑

時山中土寇初靖道邑兵燹最慘而吾廬已蕪幸邀天祐撲息松竹俱存

閒中饒看鳥

虫書

家間藏書數十篋雖遭盜毀篋而卷帙無恙

墓田春酒鶉聲亟山館

寒牕夜月虛心事詎堪常悒悒十年前已付樵漁

丙辰冬日過王季重先生故居

少年常作鑑湖游坐看龍門衆壑流過里唯聞花氣

密登堂時見翠峯幽漁樵誤認三珠樹車馬遙瞻百

尺樓今日重來荆棘滿誰停金勒覓西州

奉和金子藏大令秋懷十首

蛩聲絮絮忽心傷起望蒹葭乍著霜三徑菊花紅葉

路一軒涼月綠陰床寒梢滴露橫清影墜籜縈絲動

曉光此際聞雞誰欲舞近來長笛在襄陽

其二

舟橫野渡暮潮生幾許江楓朔雁聲沈醉壚邊非嗜

酒敲殘劫後且推枰琴餘焦尾誰三弄鐘報蒲牢未

五更得失從來同塞馬夢回清角自分明

其三
鷓絃新撥大江東
白髮黃雞興自通
萬頃波搖鸚鵡
綠千林枝洒杜鵑
紅袁安流涕非身計
阮籍長悲豈
道窮落木蕭蕭谿館靜
一樽紺雪對雙桐

其四

青鞵初踏葉聲乾
鵙鵲樓高樹影寒
萬里層霄鵬羽
疾一江清露蟹螯殘
誰探機石慙慙問
且把萸囊仔細看
郢曲從來稱寡和
幾聲白雪海天寬

其五

蒲柳能辭華髮侵
歲寒風雪總難禁
五噫漫有春傭
賦三閭空懷澤畔吟
蕭瑟由來愁獨倚
溯洄寧敢嘆
胥沉拂衣早遂蓴鱸興
自喜曾無暮夜金

其六

嵐光雲影日蒼涼
楓葉殷紅榭葉黃
塞北徒懷橙橘
美炎洲人饜荔柑香
登樓王粲家何在
投閣楊雄書
一床歸去柴桑詎無意
欲尋寒菊傲清霜

其七

青山幾道素烟遮
枯木村村點暮鴉
亂定江郊餘戰

九龍堂文集 卷八
鼓天寒城闕動悲笳扁舟泛月花源近竹杖穿雲翠
徑斜賀監醒時休問宅鑑湖幽處是儂家

其八

月明滄海靜無波香徑閒閒落葉多放鶴偶緣樵客
至盟鷗時許野人過長風獵獵吹殘柳細雨泔泔滴
碎荷每嘆年華看欲晚朝來西爽奈愁何

其九

幽居無事慣書空顧惜庭槐不耐風林竹深深舍雨
碧井梧憂憂射暉紅七松處士情初異五柳先生興
不同怪底羽衣頻入夢夜深歸鶴月朦朧

其十

上書誰肯乞歸休落落天涯一敝裘月下清猿催客
夢風前砧杵入閨愁偶思江外魚書遠忽見空中雁
字流野蝶黃花嗟未盡不堪孤鶩更清秋

贈巡使許元功

一軒琴鶴有誰同颯颯蒼谿兩腋風到日鯨鯢銷海
外望塵豺虎熄山中簾垂花雨春疇綠舟泛蘭漪夕
照紅最是高襟難及處角巾羞語伐吳功

嚴灝亭度支壽日為兒輩作

遙瞻嶽瀆湧鴻文近喜台躔接五雲海屋籌盈天庾
足漢廷雨粟歲星聞救時本屬蒼生願裕國寧非計
相勲珍重金籠莫輕放薊門朱鶴正紛紛

贈郡伯何昆學

上治原無赫赫名官梅江閣思尤清一亭花信啼鶯

夢萬壑秋嚴唳鶴聲記有龍村投袂節詩成舜水廢

莪情一錢併謝耶谿叟午夜琴徽共月明

又贈許元功觀察

誰云儒雅遜赴桓一劍常令刁斗寒指顧山中豺虎

絕笑譚波際鱷鯨安惠風灑濯岩谿秀朗照潛驅魑

魅奸今日蠡城方借寇熊軒肯許鄧人看

其二

韓范高名豈易同指麾饒有二公風氣吞豨突狼奔

日志在麟經魚麗中

公深通春秋左氏兵法每戰必尅

奪燾五雲干

羽白

甲寅七月山寇薄城公以步騎出戰五雲門外斬賊甚眾奪幟無算

燃膏萬炬四

圻紅

時賊潛入城欲夜舉火為亂公豫令各家懸燈戶首焰耀如白日有馳走者輒擒之賊終不得

發 蚩民不解長城意歲晚方歌保越功

其三

投戈躍馬見難全藉有輕裘叔子風入剡之役諸帥欲盡殲餘黨賴

公力持招撫組練三千開域外橫磨十萬具胸中青山彌

望樵烟白滄海無波旭日紅南顧祇今宵盱釋豫占

麟閣繪奇功

其四

武庫文章勝策同朝歌渤海共長風樓船影懾蓬瀛

外車馳騎聲甌越中一劍光寒秋水碧千岩烽掃暮霞

紅四明山叟閒無事共坐荒祠說戰功公剿寇入四明止縛渠魁

餘皆令解甲就撫民間不知有兵

雨中喜唐寓菴同年見過時公從寧國郡丞轉大同守便道過里

茅齋寂寂砌花開忽報雲中太守來一片冰心和雁

至萬峯秋色傍琴回幾年江上青山夢此日高軒白

雪才珍重敬亭新句好莫將辭賦壓金臺

壽周述菴先生二首

烏衣甲第倚雲開鳩杖初從劍履回南國龍旂登晝

錦西園麟紘舞班萊嘯携橘柚璠璣器命試萸囊錦

繡才此日度遼歸應晚梅峯月上正啣杯

千巖秋色曉霞開杖履閒閒采菊回偶爲看松歸栗
里敢誇騎鶴問蓬萊鑑湖溯曲投竿興梅里登峰作
賦才石上楸枰花下酒願偕黃綺共傳杯

壽楊母徐太孺人七袞

坤輿淑氣萃西崑封鮓風高孰可論躬績已聞成令
子含飴今喜弄諸孫懷清有粟傭來社陶母無髮到
客門冰玉似心身似鶴佇瞻紫誥賁庭萱

高齋自嘲

多病年來乞此身歲寒猶自託松筠盧仝婢僕皆垂
老黃霸妻奴總耐貧廢圃數行唯種藥小舫竟日可
投緡朝看鶴瘦誰言祿笑指南湖自有蓴

其二

馬齒今朝耳順餘髭鬚真與雪相如眼花難辨杖頭
鳥衰態恒驚轍下魚風洄湖渚携觴亟雨過崗頭野
眺紆唯有讀書心未倦挑燈猶愛夜牕虛

丁巳春正十日和祝進士子禮賜祝原韻

十日屠蘇看雪巘今晨策杖望天台龍鍾老態猶能

舞鶴髮盈顛漫爾催擬夢小舟乘夜月盡傾谿釀作
春杯近時支許皆登座喚取嗣宗市上來

春日宿暨智度寺竹雨上人精舍

蕭寺遊行四十年坐觀物態勝雲烟閒眠一榻真成
覺偶對羣峯總欲禪老去定僧輕似水近來茅屋小
於船買山不藉支公券長嘯花間掛笠錢

其二

竹影松聲似昔年南谿雨後上炊烟藜床雖破猶堪
臥粥鼓頻聞不廢禪水月空時誰面壁江山幽處乍

歸船何人解得生公意餉爾齋廚億萬錢

秋日送姜汝臯之任昌化學博

久識超宗有鳳毛於今初佩呂虔刀青瑣舊物傳琰
琬絳帳新聲入羽翮江外琴書花外雨山中筍蕨雪
中醪鱸堂莫慮魚箋遠會聽長風薦海鼇

其二

盛世儒宗萃禹臯巖陬偏獲御文豪漢廷博士推公
輔宋學湖州重譽髦饒有中經傳舊學不妨女樂奏
新操漫嫌苜蓿冰盤淨作士從來有異褒

壽姜母錢太夫人八袞

綵輿何日上明光
京兆風清舞袖香
雙鷺舊書傳紫纈
三鱸新瑞集青緗
盈庭瑤樹台衡器
遶膝芝蘭錦繡腸
更有盛聞誇海內
曾元五世奉霞觴

祝定公姜京兆六旬五首

并序

京兆定菴姜先生敷政留都仁風翔洽方將榮晉
三公而倏以予告請其意思深長非淺人所能道
也歸來適逢六袞誕辰四方介觥者蝟集里門之
檻當亟葺矣先生斑舞堂中太夫人童顏鶴髮怡

然引卮諸孫曾元羅列堦下森森蘭桂輝映後先
誠梓里之盛事可繪圖以傳海內者也僕不敏敬
效華封列爲五咏以志嘉瑞固陋之誚亦何敢辭

畫戟初從少海東
隨軒紫氣蔚崆峒
庭開瑞石森芝秀
門對佳山峙嶽崧
舞綵一堂怡太母
上尊千石侑仙翁
薰風香度槐龍下
彷彿蓬瑤在闕中

其二

生平漫羨浮丘伯
今日欣逢樂浪公
式靖兩都歌令尹
網羅多士識宗工
辭榮適性身如鶴
秉正匡時道

有熊花下祇須浮太白
勺觀滄海粟觀嵩
五國親
杖履閒閒啓
鴿籠雲間鸞
鵠笑天風山中絲竹今安
石海上烟波舊
葛洪庭粲翟
幃歡鶴算座環珠履
頌鴻功朝看絳彩輝
宮螭知是芙蓉渠
相映紅尊下
東郊數載藉
徊翔贏得留都姓氏香
行部久聞頽露冕
肩輿佇且人明光
曾元數世同三祝
花甲初周第一觴
樂事人間唯此最
莫嫌酣舞類清狂

其五

家擅磻溪舊玉璜
全收五嶽入詩囊
充庭逸足閑騏驥
奕世鏘鳴叶鳳凰
東國夙懷瞻魏闕
南巖新社集華堂
冰桃無事煩青鳥
會有金莖出建章

壽棟翁金大中丞二首

海門東望是蓬萊
春滿明湖瑞色開
天燦五雲森劍履
星躔三素蔚樓臺
勲名自古唯推杜
盛德於今允繼裴
坐論延英疇足儼
金甌首探帝臣枚

其二

申呂原從天上來，盛年歷試濟川才。文章久已登峯
極，勲業於茲冠上台。澤澍九州分半壁，名同五嶽鎮
遙垓。河清海晏渾無事，且薦南山酒百盃。

寄房山越公明府

花封鎖鑰近金門，一部于焉動至尊。地僻豈愁吟
木客，山深偏喜集雲根。文章久已推人望，吏治何難
答主恩。會見梧垣虛左席，巖城膏雨未堪論。

柬友

巨源風槩渺無徒，數載幽情寄鑑湖。家在山陰富巖
壑，舟通樵逕合江湖。偶緣名勝隨鳩杖，不爲琴樽戀
膾鱸。西爽朝來誰拄笏，莫將鬢髮易髭鬚。

小園新霽

鶯花欲謝草芊芊，老却山家筍蕨天。陌上秧針愁十
雨，桑間蠶箔喜三眠。芸櫺虛月含墻荔，茗椀流霞沸
石泉。新長琅玕成箇箇，翠微今夕送溪船。

贈王春坊顓菴督學吾越

鑑湖曾否似婁江，萬壑秋聲月滿艫。千古冰稜推國
士，九州文獻式諸邦。玉皇香案分仙吏，紫禁霓旌

建法幢太傅風流原第一祇今元禮更無雙

公文肅相國會孫

送內翰高明府北上

海門秋色寄吳船北望征帆影漸遙膏澍十年濡澤
國清飈兩袖拂山椒道傍刈麥綿酬值渡口舟輕石
壓潮珍重使君弘濟具近來麟鳳正盈朝

壽祖將軍

敦詩說禮擅文章佇見勲垂竹帛香班馬蕭蕭今吉
甫威名奕奕古汾陽龍標載德歌聲壯鸞翟齊眉樂
事長三鳳聯輝同獻祝錦堂花綵萃霞觴

寄信州使君孫訥菴

昔浩見令懷玉

孤城斗大半蒿萊貧瘠於今洵首推饒有山川堪眺
賞苦無廬舍可招徠文翁猶喜憐儒吏孺子原非作
令才慙荷春風頻獎借冰谿寒色一時開

夏夜納涼飲醉志感

科頭良夜納天風笑引蓮香泛碧筒夢到河清人壽
幾坐看斗轉月華空一雙鸚鵡歸閒沼萬點流螢逐
去篷世事茫然寒暑意不知何道可華嵩

其二

九觀堂文集 卷八
那許衰顏漫作翁閒身權廁衆芳叢忘情愛倩山爲
客多病何煩藥有功獨醒不辭千日醉清樽聊與衆
賢同分司御史能驚座飲若鯨川吸玉虹

贈族孫聲遠

洞庭仙吏阿誰家臥抱青山卷白霞萬頃春波浮遠
鷺數行秋浦戰歸鴉芰荷香靜峯頭月林雪光生木
杪花杖履慚無康樂賦空懷縹渺羨靈槎

東祁吏部止祥

天投泉石殫膏盲地湧江湖作睡鄉已珍法身追上
古肯留剛句入中唐萬峯幽翠樵聲密一曲寒谿午
夢長林下幾人稱逸史仙才自許託高涼

贈雪林禪師

千尺浮圖舍利光佛牙曾蛻古蠻方長松直似三天
竺怪石驚傳五印遼月下閒評唯老衲日邊頂禮有
空王願君莫說生公法且道谿頭洗鉢忙

臘梅 有序

臘梅芳氣清冽值嚴寒時異香蘊藉蓋花之蓄冬
氣最深者其根柯蒼勁葉無蠹蝕尤爲可貴武林

寓中一本茂密盈階惜花時每不獲觀而庭院湫隘枝條多受採折作此志感

小院疎香依雪妍亞枝寒不受人憐每緣江表虛清賞偶到庭除悵地偏幾箇秋虫縈墜葉兩行紅粉碍遺鈿今年早買蕭然渡肯爲名花惜酒錢

泣梅

此先君子所手植也枝幹扶疎花時香殊清遠乙巳秋杪忽爲風雨所偃對之曷

禁泫然詩以志之

碧萼蒼趺水月姿先人手種未華時每依清影携筇杖漸引寒香入酒卮冰骨偶同松鶴老素心唯許

桂蟾知夜來風雨渾難禁酒淚空吟和雪詩

夏日入臺回署偶作

夢醒松風雨後泉白雲春樹暮潮連近慚忠介推先達遠溯襄公辱後賢野鶴孤霞常自許青驄油壁豈堪憐自茲挂笏西山後便買歸船泛水烟

贈盛斯際憲副備兵黔省

天爲陶唐遏諫章暫移屈軼種蠻方欲焚瑤草辭香案且擬詩筒弔竹王漢使幾人懷寶玉越邛從此重冠裳聖朝旌直無虛歲肯許名臣久夜郎

送純甫大令之任平丘

名賢作宰自風流
天爲蕪鄉赤子謀
野郭琴聲調舞鶴
草堂花雨潤巢鳩
欲占翠畝尋春社
因看青山上小樓
河朔舊交難寄語
藉君保釐出新猷

智度寺壁和三老和尚游五洩歸作

遶郭青山半月痕
翠微遙接苧蘿村
閒披潭影觀空色
靜對峯雲徹曉昏
飢鶴何時忘石磻
眠鷗終日傍江門
茆堂共集龍蛇字
幽句還尋知者論

其二

飽看千山鬼斧痕
歸來跌坐望江村
一牕竹翠寒雲密
數里谿烟暮雨昏
瓢笠偶棲成佛境
鼓鐘何地得天門
我來方丈觀禪語
塵尾龜毛未可論

咏竹壽鄴園李大司馬

此君疎影映秋巒
疑在瀟湘雨後看
勁節千尋唯一箇
清風萬里日三竿
尺椽已博東南美
寸管能調海嶽安
桂液朝來香欲滿
霞觴時引翠瑯玕

孫男

懋懋
懋懋

全校錄



